

7pm - 7am

19th /MB

TELKOM PNG Always there

ENJOY FASTEST INTERNET SPEED

24/7 Customer Care: Call 345 6789 or www.telkompng.com.pg

K30m sot long ronim 2013 LLG ileksen

EC baset nonap long LLG ileksen na Angoram bai ileksen

Stanley Nondol i raitim

ILEKTROL Komisina i tokaut olsem gavaman i no givim inap mani long ronim 2013 LLG eleksen long kantri wantaim Angoram bai ileksen na pret olsem dispela tupela ileksen bai nonap ron gut na sapos gavman i no kwiktaik lukluk long dispela hevi.

Ilektrol Komisina Andrew Trawen tokaut olsem baset na plen bilong ilektrol komisin long ronim LLG eleksen stap long K80 milian, tasol gavman givim K50 milian. Em tok K30milian sot em bikipela mani tru na tok K50milian em nonap tru long pinisim olgeta wok bilong LLG ileksen.

Mista Trawen tok Komisina i askim Treasari dipatmen long K4.1 milian long kamapim Angoram bai eleksen tasol gavman i givim K2.8 milian na Mista Trawen tok dispela mani em nonap na komisin bai bungim hevi long bai ileksen.

Mista Trawen taim aste tokaut olsem Ilektrol Komisina i redi long kamapim LLG ileksen, Motu Koita ileksen na Angoram bai ileksen, tokaut olsem em gat bikipela wari olsem Ilektrol Komisina i no peim dinau bilong ol sevis provaida bilong 2012 Nesenel Eleksen we sanap long K12.8 milian.

I go moa long pes 2

Mani taim!!

Hia ol yangpela husat i salim plak bilong Stet ov Oriijin gem i mekim planti mani stret. Wapela plak em K5 long bikipela na liklik em K2. Poto: Nicky Bernard

■ **Dinau baset bai go antap long 2013 - P2**

■ **Catholic Reporter Jun issue i stap insait - p9,10,19,20**

BIKPLA TOP UP PROMOSIEN TRU BLO PNG

Taim you Top Up wantaim K2 o moa, bai you kisin anit long go insait long wanpla lai draw la wimin 1pla bto 8pla Land Cruisers na tu yu bai go insait long draw la sharim ol prizes inap long K1 million mani mak.

DIGICEL SUPER 8

WINNA WANPLA LAND CRUISER OLGETA WOK INAP LONG BLO LA WOK.

WANTAIM K3 MILLION TOP UP LO GIVEAWAY

3G DIGICELPNG.COM Digicel

Terms and conditions apply. Promotion is from May 13 to July 10. Prepaid Customers earn unique entries for topping up with a minimum of K2 and will qualify for the next day's draw for Free Call & SMS Credits. Top ups should be made between 00:00H Wednesday to 23:59H Tuesday of each week to qualify for the Land Cruiser draw on the following Wednesday. All entries expire at 00:00H every Wednesday (beginning May 22). Customers need to top up again to qualify for the next Land Cruiser draw. To check entries, dial *140#. For the complete Terms & Conditions, please refer to Digicel website www.digicelpng.com.

Painim CASH MONI bilong yu insait long KEN

"Painim CASH MONI insait long GLOBE na SITA Corned Beef or Mackerel ken"

Na kamap Wanpela LAKI WINA NAU!

Sapos yu painim displa ol CASH Moni:

K1,000 K500 K100

K50 K10

"Aninit insait long ken" Go kisin CASH MONI bilong yu long Globe dealer or kolim Globe Hotline 422 3066

GLOBE the perfect choice

Promosien bai pinis long 31st December 2013

Tetipla krismas long PNG

Dinau baset bai go antap long 2013

Stanley Nondol i raitim

GAVMAN plen long apim 2013 baset bilong kantri go antap moa, tasol mani i sot na baset defisit o dinau baset bai go antap moa bihain long prais bilong gold na kopa kam daun tasol ekonomi o grow na prais bilong kaikai na samting kam-daun.

Wanpela ripot bilong Econinik na Social Survey bilong Esia Pasifik we Residen Kodineta bilong Yunited Nesen sistem bilong PNG, Dokta William Adu-Krow, i lonsim long las wik, i tokaut

olsem ekonomi bilong PNG i grow kwik na winim ol arapela kantris ong rigen long 9.2 % long 2012, wantaim kamap bilong bilion kina LNG projek na bikipela praivet sekta invesmen na nupela nikel na kobalt main.

Benk bilong PNG ripot soim olsem PNG bai spendim moa mani long tripela yia long 2013,2014 na 2015 tasol reveniu o inkam bai stap duunbilo.

Ripot tok inflesen o prais bilong ol samting kam daun long 2012 long 4% taim em bin stap antap long 8% long 2011. Dispela i kamap taim gavman i daunim

takis bilong impot na apim kina veliu long kantri na gavman fri edukesen polisi.

Ripot tok PNG gavman nau gat plen long apim 2014 baset long 23% bai lukim defisit o dinau baset tu bai go antap long 7.2% wantaim konstraksen bilong LNG laik pinis na ol prais bilong nara-pela komoditi long wol maket kam daun. Dinau baset kamap long 2012 long taim gavman yusim moa mani long nesnel ileksen na kam daun bilong komoditis prais long wol maket.

Aninit long 2013 baset, gavman putim bikipela mani long helt, loa na oda na, infrastraksa na fri

edukesen na apim mani bilong provinsel na LLG long givim sevis long rurel komunyuti.

Ripot tok gavman akaun nau gat defisit o dinau long 28.4%, na wantaim kam daun bilong ol komoditi prais na apim Kina veliu, i no halivim ekspot na invesmen long ol nupela risos projek mekim kantri lukim bikipela impot bilong ol samting.

Ripot tok, wol prais bilong gol na kopa i kam daun long 2012 i mekim groa bilong PNG ekonomi we nau stap long 9.3% i luk olsem bai kam daun long 4% long arere bilong 2013. Moa long en, prais bilong timba , kopi,

kakau, na pamoil na kopra tu i kam daun na dispela bai lukim inkam bilong rurel pipel tu bai kam daun.

Ripot tok PNG gavman nid long spendim moa mani long kirapim wok agrikalsa na bai halivim bikipela milian populesen stap long rurel ples.

Ripot tok moa olsem, PNG gat bikipela populesen bilong yut stap long eben senta na planti bilong ol dispela yut em krismas bilong ol stap namel long 15 na 24 na ol i no save long rit na rait na nogat save long painim wok na dispela em bikipela hevi we gavman nid long lukluk long stretim.



BSP sapotim sepik ainman salens

BSP Benk aste givim K5,000 long Sepik ainman salens na kamap bikipela sponso bilong kompetisen long dispela yia. Dispela em namba 10 yia bilong salens na 70-pela tim i redi pinis long go insait long bikipela salens dispela Sande long Wiwek.

Poto: BSP Wewak Brens Menesa Albert Seri i givim K5,000 i go long Sepik ainman Ogenaising Komiti memba Ken Micah.

K30m sot long ronim LLG 2013 ileksen

I kam long pes 1...

Mista Trawen tok dispela hevi bilong ilektrol komisin i no peim dinau bilong sevis provaida bai lukim ol savis provaida bai askim long sevis mani bilong ol na dispela bai bagarapim ron bilong LLG ileksen.

Mista Trawen tok ol sevis provaida i pretim ilektrol komisin pinis long bagarapim ron bilong LLG eleksen na tok komisin nid long stretim dispela dinau pastaim long ronim LLG ileksen.

Mista Trawen tok Komisin i mekim wok redi pinis na tok Minista bilong Inta-Gavman Rile-sen na Deputi Praim Minista Leo Dion bai sainim olgeta rit bilong 319 LLG na 6187 wod long tete na Gavana Jenerel bai sainim rit bilong Angoram bai eleksen.

Mista Trawen tok ilektrol Komisin i redi long ronim tripela ileksen long sem taim tasol em tok em wari tru long ilektrol komisin i gat bikipela dinau mani stap long mani maki bilong K12.8 milian we kamap long 2012 nesenel ileksen na baset bilong LLG eleksen na Angoram em nonap long pinisim olgeta ileksen wok long taim.

Mista Trawen tok Tresari dipatmen nid long givim mani long ilektrol kominsin we stap long baset stret long ronim LLG ileksen, Angoram bai ileksen na rikaunt bilong Usino-Bundi open na sampela bai eleksen we bai kamap klostu taim.

Long wankain taim Mista Trawen tok bikipela amamas long wanwan provinsel gavman long sainim MOU wantaim ilektrol Komisin long sapotim LLG ileksen long kamap patna long ronim 2013 LLG ileksen. Mista Trawen tok wanwan provinsel gavman bai fandim sekyuriti bilong 2013 LLG ileksen

2013 LLG ileksen de

Givim ol rit pepa: Fonde Jun 6, 2013 (4pm)
Nominesen pas: Trinde Jun 12, 2013 (4pm)
Poling stat: Sarere Juali 6, 2013
Poling pinis: Fraide Ogas 9, 2013
Givim bek ol rit pepa: Fraide Ogas 30, 2013

Motu-Koita Asembli ileksen

Givim ol rit pepa: Fonde Jun 6, 2013 (4pm)
Nominesen pas: Trinde Jun 12, 2013 (4pm)
Poling stat: Sarere Julai 6, 2013
Poling pinis: Sarere Julai 9, 2013 (wan de vot)
Givim bek ol rit pepa: Fraide Ogas 1, 2013

Angoram Bai ileksen

Givim ol rit pepa: Fonde Jun 6, 2013(4pm)
Nominesen pas: Trinde Jun 12, 2013(4pm)
Poling stat: Sarere Ogas 3, 2013
Poling pinis: Fraide Ogas 16, 2013
Givim bek ol rit pepa: Fonde Septemba 5, 2013

Kam gut yah...



Rispektim Komyuniti: MOA long 255 polis manmeri i pas-aut long Bomana Polis Kolis long Fonde wik i go pinis. Mosbi Not Is Memba Labi Amaiu, i stap long dispela greduesen i tokim ol nupela polis manmeri long rispektim ol komyuniti na ol manmeri taim ol go aut long wok bilong ol. Em tok planti bilong ol polis manmeri i promis nating na taim ol go aut, ol mekim nating long paitim ol manmeri na nogat rispekt long pablik. Mista Amaiu givim K50,000 go long ol polis long mekim gutpela wok insait long siti na tu em givim wanpela kar i go long Bomana Polis Kolis. Em tokim ol nupela polis manmeri long mekim gut wok olsem ol lainim long Polis Kolis na tu noken brukim promis ol bin mekim taim ol pas-aut. Ol nupela rikrut i pas-aut em i mak long 255 ol man na 27 em ol meri. **Stori na Poto Nicky Bernard.**

Kos bilong Pablik sevis i go antap

Stanley Nondol i raitim

PABLIK Sevis minita Dokta Puka Temu i tok kos bilong ronim pablik sevis long kantri em go antap moa, na em i singaut long ol provinsel gavman na gavman dipatmen long kamap wantaim ristraksa long ritrensing olpela pablik seven.

Minista Temu las wik long palamen, i tok kos bilong ronim pablik senis we save stap long K47 milian i go antap long K102 milian long las 5-pela yia, na tok nau em taim bilong ritrensing ol olpela lain long wokfos bilong gavman.

Minista Temu tok bikpela mani ol pablik seven save yusim long ol alawens olsem Travel alawens, haia kar na ovataim alawens. Em tok bikpela mani tu save go long pe bilong ol kesual wokman insait long pablik sevis dipatmen.

Minista Temu tok ol provinsel gavman save kisim planti kesual lain na putim long pe rol na nesenel gavman i hat long kontrolim, bilong wanem ol i gat pawa long mekim disisen.

Em tok ol gavman dipatmen tu save putim ol man-meri long pe rol olsem kesual long planti yia na bikpela mani save go long pe bilong wokman wantaim ol kainkain alawens.

Minista Temu tok long daunim dispela hevi na sevim mani, em tok wanwan provinsel gavman na gavman dipatmen mas kamap wantaim ristraksa long administresen. Em tok taim Dipatmen bilong Pesenal Menesmen i givim tok orait bai lukim olgeta publik seven long dipela dipatmen bai stap nating na em isi long rausim ol kesual na tu olpela pablik seven gat sans long ritrens na kisim pinis mani bilong ol.

Minista Temu tok long daunim dispela hevi na sevim mani, em tok wanwan provinsel gavman na gavman dipatmen mas kamap wantaim ristraksa long administresen. Em tok taim Dipatmen bilong Pesenal Menesmen i givim tok orait bai lukim olgeta publik seven long dipela dipatmen bai stap nating na em isi long rausim ol kesual na tu olpela pablik seven gat sans long ritrens na kisim pinis mani bilong ol.

Long wankain taim minista Temu tok long daunim hevi bilong ol man stap nating long peirol, em singaut long dipatmen bilong treasari long givim pei long wok bilong pablik sevis dipatmen long dipatmen ken luk-save long hevi na bai isi long rausim man stap nating long pe.

wantok moni

Send money to Anyone, Anytime Anywhere



How to send Wantok Moni

- 1 Dial *131#
- 2 Enter mPIN
- 3 Press 2 for "Funds Transfer"
- 4 Press 3 for "Wantok Moni"
- 5 Choose Account which you will send Wantok Moni from
- 6 Enter recipient's mobile number
- 7 Enter Amount
- 8 Press 1 to confirm

Have you received Wantok Moni?

- 1 To Accept Wantok Moni
 1. Dial *131#
 2. If you are a new user, you will be asked to enter a 4-digit Personal Identification Number (PIN).
 3. If you're an existing User, you will be asked to Enter and confirm your 4-digit PIN (this is different from the send code)
 4. Reply 1 to "Accept Wantok Moni" ENTER the Sender's SEND code and the SEND code that you generated
- 2 To generate a Wantok Moni Withdrawal Code
 1. Dial *131#
 2. Enter and confirm your 4-digit PIN
 3. Reply 2 to "Withdraw Wantok Moni"
 4. Reply 1 - to Generate Code
 5. You will receive a response, containing your WITHDRAWAL CODE

Anyone, Anytime, Anywhere!



320 1212 / 7030 1212



servicebsp@bsp.com.pg



www.bsp.com.pg



Official Sponsor of the 2015 Pacific Games


Air Niugini introduces Online check-in

How to Check-in Online

- Visit www.airniugini.com.pg
- Refer the Flight Booking panel on the left hand side of the page
- Click on 'My Flight' tab
- Fill in the blank fields and then click on 'Check in' button
- Follow prompts to progress your online check in

*NB: Online check-in is available 24hours to 3hours before departure.

- On completion, your boarding pass and important instructions are emailed to your nominated email address
- Bag Drop: If you are travelling with bags, proceed to the 'Online Check In' Counter (where available). Your bags will be weighed and bag tags issued.



Making your travel experience more convenient!



www.airniugini.com.pg

TELE Apdeit

Konektim skul bilong yu long intanet

Yu ken yusim ADSL o long ol telepon lain, o long waiales (WiMAX) wantaim ol Telikom Skul Pokes plen:

PostPaid Pokes

Telinet Skul 1,000MB

Telinet Skul 2,000MB

Telinet Skul 3,000MB

Telinet Skul 4,000MB

Fri Daunlod

1GB, 2GB, 3GB, 4GB

Rent long olgeta Mun

K50, K80, K113, K150

Ekses Sas long wan wan MB

0.11, 0.11, 0.11, 0.11

- Namba wan luksave bai go long ol skul i no konek yet long intanet.

- FRI Instolesen

- Karamapim olgeta bikipela siti na eria Telikom i gat siknel

Ol askim: Email sales@telinet.com.pg o Telepon 3025500 o 3025554

Winim raun i go lukim Manchester United

Kamap wanpela long tripela laki wina long winim wanpela riten trip i go long lukim Manchester United i salensim A – League All Stars long ANZ Stadium long Sydney dispel mun Jul.

Prais em:

- Wanpela Gem Pas o tiket
- Wanpela balus tiket
- Tupela nait silip
- Travel Alawens

We bilong Winim

Spendim K200 o moa long wanem ol Telikom Prodak long wanem ol Telikom Stua, raitim nem na address bilong yu long baksait bilong risit, dropim insait long bokis, long wanem ol Telikom Stua, na go insait long droa long win.

19t/MB

Hamamas wantaim Prepaid 19 toea of-pik intanet ret namel long 7am-7pm. I nogat hevi long en.

Long save moa, ringim 24/7 Kastoma Kea long 3456789.



NHC lukluk long kisim K36m long Fainens

Stanley Nondol i raitim

NESENEL Hausing Koporesen bai kamapim wanpela komiti long lukluk go insait long hevi bilong hausing long kantri, na tu, bai lukluk kisim bikipela milian kina mani bilong NHC we Fainens dipatmen i no peim yet.

Hausing Minista Paul Isikel i tok K36 milian bilong NHC we ol pablik seven peim long pe didaksen em fainens dipatmen i no

peim NHC bilong wanem dispela mani go long rong pe didaksen kod.

Minista Isikel tok em nau lukluk long mekim haus long graun bilong gavman we stap nating aninit long Lens dipatmen na tok em bai nonap long lukluk long hevi bilong taitol bilong haus we baia we wetim yet bihain long ol pinisim peimen.

Minista Isikel tok narapela K14milian we ol baia pinism peimen tu, NHC i no kisim yet na

tok dispela komiti we em bai kamapim bai kisim dispela mani kam long NHC na bihain long en em bai lukluk long hevi bilong ol taitol.

Long wankain taim pablik Akaun Komiti O PAC ripot tok NHC i no givim taitol bilong ol planti baia na Siamen John Hickey askim Menesing Direkta John Dege long stretim dispela kwik.

Tasol Mista Dege tok Fainens

dipatmen i no peim ol mani go long NHC. Em tok mani go long rong pei didaksen kod na tok Fainens mas stretim dispela kwik taim long em i ken lukluk long taitol bilong baia.

PAC ripot tok ol baia i no kisim taitol kwik na lukim planti bilong ol haus em taitol em paul long pasin korapsen we save kamap long lens dipatmen we lukim planti man karim planti taitol bilong wanpela propeti.



Moa long 300 pikinini long Pot Mosbi setolmen i kisim sut na marasin we *Wol Visin* i go raun na givim long banisim ol long kainkain sik.

Klostu long 200 pikinini kam kisim sevis stret long *Wol Visin* bikos ol bin sik nogut tru long kainkain sik na Klostu long 70 pela pikinini em ol gat mal nutrisen.

Dispela piksa soim Family Well being Project Menesa Jeanette Selep sekim skel bilong Lila, 8-pela krismas long ATS setolmen long Mosbi..

Story and photos by Paula Kari, World Vision

Kidni operesen bai kamap long Goroka haus sik

Sape Metta i raitim

OL spesolis dokta long Goroka Bes Jeneral Haus sik long Isten Hailans i redi long mekim wok bilong kidni operesen, sapos ol samting na ol toktok i go stret long kamapim wanpela kidni transplen klinik.

Na sif sejen bilong Isten Hailans, Dokta Kana Eorage, i tok Goroka Haus sik em i wanpela gutpela haus sik we em i bin kamapim namba wan Open Hat Operesen.

Tasol taim ol lain husat i bin go pas long kamapim hat operesen long Goroka i lusim na i go kamap long Pot Mosbi, olgeta samting i pundaun, na dispela

operesen i no moa kamap.

Em i tok, planti ol kwalifaid dokta i stap, na ol i bin kamapim ol gutpela plen long mekim PNG luksave olsem ol i ken wokim kidni transplen long Isten Hailans sapos nesenel gavman i ken sapotim ol.

Dokta Eorage, husat i bin kamap na wok long Goroka haus sik long taim em i yangpela man yet, i tok, mipela i no nid long go ovasis long kisim kidni transplen.

Mipela i ken mekim dispela wok long hia.

Em i tok, "Kos bilong kisim balus na go daun long ovasis long kisim kidni transplen em i antap tru, olsem na turangu ol lokol lain husat i no inap mitim

kos bilong ol balus na ekspens bilong transplen i wok long dai."

Dokta Eorage i givim pinis leta i go long Paim Minista Peter O'Neill na kopi bilong dispela leta o pas i go long Helt Minista Michael Malabag, na Gavana bilong Isten Hailans, Julie Soso Akeke, na salensim ol long sapotim ol dokta long kirapim kidni transplen klinik long Goroka we bai i ken helpim ol pipel bilong Isten Hailans na PNG tu.

Gavana Akeke i luksave long dispela bikipela wok na i givim ful sapot long dispela tingting. Na em i mekim komitmen long givim K5 milian long mani plen (baset) bilong provins, long sapotim dispela wok long yia i kam bihain.

Draiva winim Toyota Land Crusier

WANPELA draiva bilong Lihir Transport i kamap namba tri wina bilong Toyota Land Crusier we mobail kampani Digicel i mekim promosen long givim 8-pela Land Crusier long kastoma.

Leo Solking Benard i kamap wina bilong dispela wik we Digicel tokaut long aste. Mista Bernard bin mekim planti K10 top up long dispela wik na kamap laki wina bilong kar we Ela Motos nau salim moa long K100,000.

Mista Bernard tok em wantaim meri bilong em i amamas tru long dispela win. Bernard em gat 32 krismas na gat tupela pikinini na tok em wantaim famili bai yusim kar long go kam long taun. Bernard em namba wan wina long sait bilong NGI rijen.

Sif Ekseketiv Opisa bilong Digicel John Mangos tok tripela wina bilong Toyota Land Crusier em ol bilong tripela rijen bilong kantri na tok dispela soim olsem ol pipel o kastoma bilong Digicel i amamas long dispela bikipela promosen we Digicel i kamapim long givim aut 8-pela Toyota Land Crusier.

Long las tupelo wik i lukim Digicel i givim tupelo kar aut long tupela wina, G4S kampani draiva Gima Pala na Maggie Dennis bilong Madang.

Digicel tok i gat 5-pela moa Toyota Land Crusier na tok husat kastoma top em nating tru ol stap pinis long dro bilong winim nupela Toyota Land Crusier.

Dispela bikipela kompotisen bai pinis long Julai 10 2013.

NDB gat K25m long sapotim liklik bisnis

Stanley Nondol i raitim

NESENEL Developmen Benk o NDB, i salensim ol meri long Papua Niugini long kamapim bisnis na helpim ekonomi bilong kantri na toksave olsem NDB i gat K25m stap long sapotim ol meri long mekim ol liklik go long namel sais bisnis o SME bisnis.

NDB Rilesensip Menesa, Janet Kaule, i tokaut long moa long 200 ol meri long Mosbi las wik Fraide olsem NDB opim dua pinis long sapotim liklik go long namel sais bisnis na salensim ol meri long sevim sampela mani, opim akaun, na go kisim dinau mani long NDB na kirapim kainkain bisnis bilong ol.

Miss Kaule tok NDB gat moa long K25milion long sapotim liklik bisnis long dispela yia. Dispela em rot we ol meri ken bihainim kisim halivim long NDB.

- Opim akuan wantaim Pipol's Maikro Benk wantaim K10.Yu no nidim ID kad o leta long opim, benk bai halivim u long opim akaun nating.

- Yu mas sevim sampela mani long akaun bilong yu long kisim dinau long Benk.

- Bihain long en yu go long NDB na askim long dinau

Na Miss Kaule tok NDB em stap long sapotim ol pipel long mekim bisnis na tok husat kam long kisim dinau long benk mas gat kampani setifiket, na taim benk tok orait long givim dinau bai mani go stret long kampani akaun long sapotim bisnis.

Miss Kaule tok, NDB i kamapim seksen o desk insait long benk long sapotim wok bisnis bilong ol meri long 2010 long sapotim ol meri long mekim ol liklik go long namel sais bisnis. Em tok namel long 2010 na 2012, planti ol meri husat no save long rit na rait, na i no stap long fomol wok, ol i go kamap na benk bin halivim ol long opim akaun, dipositim mani na benk givim ol dinau long mekim bisnis.

Miss Kaule tok ol liklik go long namel sais o (SME) bisnis bai

strongim o kirapim ekonomi bilong kantri na tok, NDB i nau wok hat tru long lukim dispela i groa moa na tok desk bilong em i lukluk long sapotim ol meri long mekim ol dispela SME bisnis.

Miss Kaule tok NDB bisnis desk long sapotim ol meri o (Women in Business) i groa taim ol i statim long 2010 na las yia benk kamapim K20 milian na nau NDB surukim sevis bilong em i go long Pipols Maikro Benk.

Miss Kaule tokim ol meri olsem, ol opisa bilong NDB i redi long halivim ol meri husat no save long rit na rait ken opim akaun na kisim lon o dinau long benk, na mekim bisnis. Na tu em tok benk bai givim strongpela skul tok long givim strongpela tingting long ol meri long wok bisnis.

Miss Kaule tok 5-pela samting we save mekim hat long ol meri na tu ol pipel bilong kantri long mekim SME o liklik bisnis na NDB save long dispela na mekim isi long ol liklik pipel ken mekim bisnis na sapotim ekonomi bilong kantri. Dispela 5-pela samting em;

- Ol meri no save gat strongpela tingting long mekim bisnis, we lukim pasin kalsa tu kam insait na lukim ol man tasol save go pas long bisnis na family decisen.

- Ol narapela benk olsem komesel benk save sasim bikipela win mani o interes ret long ol dinau mani na mekim ol pipel pret long dinau long benk

- Ol komesel benk tu save askim long ol sekyurity o ol pipel mas gat inap mani na propeti long kamap olsem sekyurity long kisim dinau mani.

- O komesel Benk save askim long bikipela ekuti o ol pipel husat laik kisim dinau long benk mas gat inap mani stap long akaun.

Na tu ol meri na grasrut pipel i no gat save long sait bilong mani, rot bilong sevim mani, kisim dinau na meki bisnis.

Miss Kaulo tok NDB bai halivim ol pipel long noken go insait long kain hevi na bai halivim long kisim dinau long mekim bisnis na strongim ekonomi bilong kantri.

ELCPNG Goroka taun seket holim meri konfrens



Hia sampela ol mama husat i go pas long ELCPNG bung.

Sape Metta i raitim

MOA long wan handret fifti (150) ELCPNG o Luteran meri kongrigesen long Isten Hailans seket, i holim wanpela mini-meri konfrens long Sen Paul kongrigesen sios long taun.

Dispela konfrens i lukluk long strongim wok misin na ol arapela wok em ol meri i save mekim long sios insait long distrik.

Sekreteri bilong Sen Paul Sios, Evelyn Jack, i tok ol meri long sios i kamapim na hostim dispela konfrens

long kisim ol gutpela skul toktok long helpim ol long wok bilong misin na sios, na tu, mekim ol wok olsem ol meri o mama.

Em i tok Santu Paul Sios i hostim dispela mini konfrens, na bihain, wankain olsem dispela distrik konfrens, narapela we bai bikipela moa bai kamap long BenaBena distrik sampela taim long dispela yia.

Misis Jack i tok, as toktok bilong dispela konfrens em: 'Mi meri long narapela ples, tasol yu kisim mi'.

Em i tok amamas long luksave olsem planti ol Luteran mama long Goroka taun i kamap na bung wantaim ol long dispela mini meri konfrens.

PPC bilong EHP tok amamas long luksave bilong gavana

PROVINSAL Polis Komanda (PPC) bilong Isten Hailans – Suprintenden John Kale, i tok amamas long gavana bilong provins Julie Soso Akeke long luksave long polis na givim tripela nupela 4-wil draiv 10 sita len krusa i go long ol long mekim wok long provins.

Long wankain taim tu Gavana Akeke i donetim sampela mani i go

long polis long fandim ol wok bilong stretim gut sel blok long Goroka polis stesen.

Misis Akeke i tok, em i bin kisim ol ripot olsem sel blok i bagarap tru, na ol trabol man-meri husat i stap insait long sel i wok long slip kirap antap long pispis, pekpek na rabis bilong ol yet.

Em i tok, sel blok i nidim mentenens olsem na opis bilong em i

aloketim liklik mani long karim aut wok long stretim gut blok, so ol trabol man-meri bai i ken slip na kirap gut insait long sel.

Misis Akeke i bin presentim dispela ol mani i go long PPC Kale long presentesen seremoni long taim em givim 9-pela nupela kar i go long ol gavman ejensi na ol sios long Fraide wik i go pinis.

Sape Metta i raitim

AGRICULTURE TRACTORS



- Slashers
- Disc Ploughs
- Disc Harrows
- Post Hole Augers
- And Other Attachments for Farming

AGMARK MACHINERY

PORT MORESBY: 323 5572 | LAE: 472 6324 | KOKOPO: 982 8748
machinery@agmark.com.pg

BEYOND BOUNDARIES SUNDAY, 6PM - 6.30PM

Topic of the week:

Mineral Resources Authority - Mining Development



FM100

PNC's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAW/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Nupela wantok mani bilong Benk Saut Pasifik beng i kamap

Frieda Sila Kana i raitim

WANTOK mani sistem bilong BSP beng nau i mekim isi tru long salim mani na kisim mani i go i kam long ol wantok na famili.

Ol lain nogat akaun i ken kisim mani bilong ol long ol ejens o long ol EFTPOS masin taim wanpela lain bilong ol i salim mani long digicel mobail fon bilong on.

BSP Beng nau i kamapim wanpela isi we tru long salim mani i go i kam long PNG insait long ol ples we i nogat beng sevis.

Olpela grup Sif Eksekutiv Opisa bilong BSP beng, Mista Ian Clyne i bin go pas long promosen seremoni bilong dispela Wantok Mani na 200 ejens long Fonde 30 Me long Pot Mosbi BSP brens. BSP i putim enjisi long wanem hap ol i lukim i gat planti lain i stap na i gat mani long salim i go i kam, olsem long Tari na Komo long Hela Provins.

“Yu ken kisim mani na putim mani wantaim kundu kat tasol. Em i gupela sistem bikos yu ken go long ol ejens stap klostu long yu na yu no ken painim beng i go long taun. BSP Rurel Beng. i gat ol ejens long taun na ol stesin long distrik na ples or tred stoa,” Rachel Kange, wanpela BSP wokmeri bilong Rurel Benking i tok.

Dispela i sevim taim bilong kastoma i noken go sanap long lain insait long beng. Maski yu gat BSP akaun pinis, yu ken opim tu Wantok Mani akaun wantaim K10 tasol. i gat narapela bilong sumatin akaun tu we bilong ol sumatin stret.

Dispela kain akaun nau em i nogat bikipela fi bilong em tasol olgeta taim yu yusim kat em bai yu peim K1 tasol.

Hat wok bilong painim iD kat na kainkain luksave piksa na pepa em i nogat nau. Sapos yu stap long ples, em kaunsela o pasto o pater bai i ken raitim pas bilong yu tasol na yu go opim



Ol woklain long nupela kiu masta long BSP Pot Mosbi brens givim tiket long kastoma

Kastoma i kisim mani long EFTPOS masin wantaim mobail fon tasol, nogat SAVE kat.



akaun bilong yu. Ol BSP opisa nau i stap long kainkain hap bilong Papua Niugini long helpim ol lain long opim akaun bilong ol. Olsem long Sentral Provins em ol i stap long Hiritano Haiwe, Kupiano, Hula, Veifa'a long Mekeo.

BSP Grup Menesa i tok i gat nau 1 milien Papua Niugini i holim Kunda kat akaun wantaim BSP tasol nau nupela “Wantok Mani” i laik kisim ol narapela lain long ples we ol i nogat akaun i kam insait.

Yu ken salim mani long mobail fon bilong yu na kos

bilong em i no bikipela olsem long Salim Moni Kwik. Salim K500 na i go antap, bai yu e K10 tasol, salim K20 i go K100 bai yu pe K5 fi tasol.

I gat 43 branches insait long PNG. 37 Rural Brens Olsem long Tari em BSP beng i op pinis na Komo i gat ejen olsem na ol lain long hap bai i no moa hat wok long go insait long Mendi o Maun Hagen long salim na kisim mani bilong ol. i gat nau 11,000 EFTPOS masin wantaim 7,000 bisnis haus i yusim na i gat 200 Ejens long putim mani na kisim mani.

I gat narapela sevis BSP laik wokim wantaim SVS wantaim ol kontena stua na BSP bai putim 1000 ejens. Dispela ol nupela stail em i bringim beng i go klostu long ol pipel na i mekim isi tru na ol i noken tromoi bikipela mani long i go i kam long ol taun. Bos bilong BSP beng i tok moa olsem i nogat narapela beng long PNG i mekim dispela kain wok yet.

Narapela nupela sistem BSP i kamapim we i mekim laip isi tru long ol beng em Kiu Masta o tiket masin nau ol i traim long Boroko, Waigani na Taun brens.

Wantaim dispela ol i lukim olsem bipo ol lain i save sanap olsem 1 o 2 haua tasol nau em 15 minit tasol na long wanpela de Waigani brens i rekodim 4 na hap minit tasol long sevim wanpela kastoma.

Dispela kiu masta i helpim beng long save long hamas minit wanwan wokman i helpim wanpela kastoma long taim em i kam insait, long beng i nap long taim em i pinis long kaunta na i go ausait.

Em i helpim beng tu long save long wanem seksen bilong beng i wok hariap na

wanem hap i no wok hariap Taim ol i lukim dispela em bai ol i ken traim long helpim wokman o sistem long kamap gupela moa.

Dispela senis i soim olsem BSP beng i save harim tok bilong ol kastoma bilong ol, olsem em i wanpela profesenel, intenesenel kampani. Dispela kain sistem em ol i bin go long kantri Kenya long Afrika na lukim na lainim stail bilong rural mobail beng long ol kantri we ikonmi maket i wok long kirap yet.

“BSP i kamapim nupela stail bilong beng em i nogat planti kantri long wol i gat. BSP i ken apim nem bilong em yet na pilim gut long samting o sistem ol yet i kamapim long PNG stret,” pastaim CEO bilong BSP, Mista Ian Clyne i tok.

Em i tok, long wanwan de, ol BSP brens i save lukim 1,200 kastoma, olsem a dispela nupela senis bai helpim ol kastoma long mekim bisnis hariap na i go. BSP i traim nupela senis long bikipela brens na bihain bai i ken go long ol liklik senta beng.

“BSP beng i lusim K250 milien ol i yusim long kamapim nupela haus beng, K300 milien long ol arapela prosek. Na olgeta wanwan yia beng i wok long kamapim 5-pela nupela brens. Olgeta wok em bilong mekim kastoma i amamas na beng wantaim bel isi,” Mista Clyne i tok.

BSP i putim 130 yangpela man na meri long olgeta brens long skulim ol kastoma long ol dispela nupela ol sistem bilong beng.

Mista Clyne i tok amamas long ol woklain tim bilong em long ol i redim dispela sistem long 18-pela mun na ol i winim bikipela wok tru. i no long taim tu na bai ol i kamapim nupela sek sistem long mun Ogas.

Em i las de bilong Mista Clyne olsem Grup CEO na em i amamas tru long lon-sim dispela nupela sistem bilong Wantok Salim Moni long mobail fon.

NASFUND FM100 TALKBACK SHOW
MONDAY - FRIDAY, 9AM TO 12PM
 Participate and be heard on an open forum on National Radio

FM100
 PNG's Information & Music Leader

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Ol sik pikinini i lukim piksa long Modilon Jenerel haus sik

Ans Lardinois, Wol Visen Komyunikesen Voluntia i raitim

MUVI piksa i bringim smail long pes bilong ol sik pikinini long Modilon Jenerel Haus sik, wantaim helpim bilong ol voluntia woka bilong Wol Visen long Madang.

Dispela em namba wan taim bilong ol pikinini, i kisim dispela kain presen. Piksa i kamap bihain long taim ol kaikai na mekim wot raun i pinis. Ol i kam bung long wot bilong ol pikinini na watsim piksa ol i kolim 'Finding Nemo'.

"Taim mipela i bin mekim ol raun bilong mipela, mipela i bungim wanpela nes husat i save wok long pikinini wot na em i tokim mipela long dispela pikinini, husat i gat liklik samting

tasol ol i stap amamas yet. Em i tok ol buk olsem megesin i save kam sampela taim tasol taim ol voluntia tim i save kam raun long hia. Ol pikinini i save laikim tru long watsim muvi piksa long mekim ol noken tingting planti long wanem hevi ol i gat, olsem na mipela tingting long mekim wanpela muvi nait," Ans Lardinois na Amanda Weaver, komyunikesen voluntia bilong Wol Visen i tok.

Wantaim ol dispela samting olsem prosekta, spika, lap top na tu 'Finding Nemo' long had disk, ol i go long haus sik. "Planti toktok i bin go aut pinis olsem na i gat pikinini kamap pinis long wot wantaim ol was lain bilong ol. Mipela i go long wanwan wot na kisim olgeta pikinini husat i no i nap long wokabaut i kam wantaim sia bilong ol o karim ol

long han, bihain long dispela Nemo i on," Mis Lardinois i tok.

"Dispela em i wanpela bikpela wok we i kamap gut tru, olgeta hap i pulap wantaim ol pikinini na sampela ol bikpela manmeri. Mi lukim planti pikinini i laikim tumas dispela, na ken harim ol lap, na smail tu wantaim we i mekim ol i lus tingting long wari o hevi bilong ol. Dispela i lukim olsem i nogat popkon, tasol mipela i bringim sampela popo na loli bilong olgeta. i bin gat planti gutpela bekim long dispela i kam long ol nes na i mekim mipela tu i amamas olsem olgeta bikpela lain wasman i bin gat gutpela taim long dispela nait," Misis Lardinois i tok.

Dispela piksa nait i kamap gut na ol lukluk long em bai i kamap long sem ples wankain taim.



Ol pikinini watsim Nimo katun long muvi. Foto: Ans Lardinois

Dai pasim Goroka Bes haus sik tupela wik

Sape Metta i raitim

WANPELA mama husat i laik karim i dai wantaim pikinini long bel bilong em, na long wankain taim wanpela sik man tu i dai long wik i go pinis long taim bikpela Goroka Bes Jenerel haus sik long Isten Hailans i riferim ol i go antap long Kundiawa haus sik long Simbu Provins long kisim operesen.

Tripela siklain i bin lusim laip bilong ol i no long taim i go pinis long taim ol i bin ron i go long haiwe namel long Goroka na Kundiawa long kisim operesen, samting we ol dokta long Goroka i ken mekim, tasol i nogat ol masin long mekim dispela ol wok.

Bihain long dispela hevi i kamap, ol dokta, nes na helt wokman-meri long Goroka i protes na i go long straik bikos ol i wari na sore na i tingim laip bilong ol sikman-meri na pikinini husat i save kisim marasin, medikol na klinikol sevis long Goroka haus sik.

Isten Hailans Nesas Asosiesen Presiden Lenson Hinanu i tok, edministresen na menesmen bilong Goroka haus sik i no moa tingting long mekim wok bilong ol long lukautim ol helt woka na bikpela samting em ol i mas tingting long lukaut bilong siklain.

Tasol ol i no mekim olsem, ol i tingting tasol long ranim haus sik olsem praiwet bisnis bilong ol.

Ol i no kea na wari long ol siklain, ol wari tasol long wok bisnis.

"Mipela i riferim ol i go antap long Kundiawa bikos mipela i no gat ol masin long yusim long ol sikman long Goroka haus sik. Planti

masin long helpim mipela long mekim wok na sevim laip bilong ol sikman-meri na pikinini, em ol i bruk daun na bagarap.

"Dispela em bikpela hevi, long wanem ol sikman-meri na pikinini bai i no nap kisim gutpela sevis, na ol i ken lusim laip bilong ol tu," Mista Hinanu, husat i go long lukautim emejensi yunit, i tok.

Na man husat i go pas long kamapim dispela straik, Dokta Francis Wandi, i tok Goroka haus sik i save kisim ol spesol dokta na helt woka. Na ol i kem mekim wok bilong ol gut long sevim laip bilong ol siklain. Pasin wokbung em mas i stap namel long ol edministresen na menesmen. Long dispela pasin tasol wok long givim sevis long haus sik bai i ken kamap gut tu. Tasol dispela pasin i no i stap nau, olsem na wok long hausik i bagarap nabaut.

Dokta Wandi i tok planti paul pasin em i stap tu long Isten Hailan Provinsel Helt Atoriti Bod.

"Mipela i bin givim petisen long dispela bod long Epril dispela yia, na ol i tokim mipela olsem ol bai kam bek long mipela wantaim ol bekim insait long wanpela wik. Dispela wanpela wik i kamap tupela mun na mipela i wet yet.

"Mipela i no nidim dispela bod husat i no nap harim wari, bel pen na krai bilong mipela ol helt wokman-meri. Long dispela straik nau mipela i kamapim, em mipela i no tingim long ol alawens na ol kondisen long wok bilong mipela. Mipela i tingim ol sikman-meri na pikinini na ol siklain husat i

wok long i dai na mipela kamapim dispela straik nau."

Nau yet, bihain long dispela straik, nesanel Helt Minista Michael Malabag i bin kamap long Goroka we em i bin toktok wantaim ol helt wokman-meri na painim aut olsem haus sik i gat bikpela hevi long menesmen. Na em i tok amamas olsem ol woka i pait hat long ol pipol bilong Isten Hailans husat i save kisim sevis long dispela haus sik.

Minista Malabag i edresim gut dispela isu long gutpela bilong haus sik, ol siklain na tu ol woklain bilong en. Ol arapela wanwok bilong em long palamen na lokel Goroka MP Bire Kimisopa, MP bilong Daulo Ron Ganarofo na gavan Julie Soso Akeke i bin kamap tu long toktok long ol woka na edresim dispela isu.

Bihain long toktok long dispela isu, Mista Malabag i wokim apoinmen na makim nupela kea teka (Care taker) menesa na edministreta bilong hausik em Dokta Francis Wandi, husat bai i go pas long lukautim olgeta wok long haus sik.

"Mi no tingting tumas long dispela apoinmen. Bikpela samting em long lukaut bilong ol siklain. Mipela i wok long riferim ol siklain i go long haus sik bilong arapela lain, na ol i wok long dai long taim ol i ron i go antap long Kundiawa na Hagen long kisim operesen. Na taim ol siklain bilong provins bilong mipela i bungim hevi na i dai long rot, mipela i save pilim pen nogut tru, na planti long mipela ol woka i save krai, long wanem, em ol pipel bilong Isten Hailans, na tu mipela i lukim ol olsem ol famili memba bilong mipela,"



Ol helt woka long Goroka Bes Jeneral haus sik long Isten Hailans long taim ol i bin straik.



Nupela kea teka menesmen na edministresen aninit long lukaut bilong Dokta Francis Wandi i toktok long helt woka na ol wanwok bilong em long taim ol i bin straik long wik i go pinis.

Dokta Wandi i tok.

Em i tok namba wan samting em lukaut bilong ol siklain, na bihainim dispela sindaun bilong ol wokman-meri, husat planti long ol i slip long ples na ol setelmen na i go long wok. Dispela em i no gutpela, long wanem, sefti bilong woklain em i bikpela samting. Long dis-

pela as, ol i mas stap klostu long ples wok bilong ol long haus sik.

Dokta Wandi i tok wokbung em mas stap long olgeta level bilong ol woka long haus sik, long wanem long pasin bilong wokbung tasol, ol wok i save ron i go het na kamap gut.

Em i tok amamas tu olsem

striak em i stop, geit i open gen na operesen bilong haus sik bai ken go het. Bihain long edresim dispela isu long haus sik, Mista Malabag i tok em bai go bek na lukluk raun long haus sik long wanem, em i laikim olsem olgeta samting i mas kamap gut, na wokbung em mas stap long ranim bilong haus sik.

CPL Lonsim Praid ov Papua Niugini Awot 2013

Frieda Sila Kana i raitim

LONG Fonde Me 23, 2013, Siti Famesi Limited, (CPL), i lonsim Praid ov Papua Niugini Awod bilong 2013 insait long wanpela bung ol i holim long Ela Beach Hotel, long Pot Mosbi.

Petron bilong dispela awot, Gavana Jeneral, Gren Sif, Se Michael Ogio, Ledi Esmie Ogio, na meri bilong Praid Minista, Misis Linda Babao O'Neill, i bin stap long lukim dispela lons.

CPL Bot ov Dairektas i bin singautim tripela meri husat i bin winim Praid ov Papua Niugini Awot long 2008, 2011 na 2012, long kamap olsem speles ges long dispela taim.

Yangpela Rosemary Miria, husat i bin kisim 2008 Praid ov Papua Niugini Yangpela Kategori, taim em i bin stap long Marianville Sekenderi Skul, i gat 23 krismas na em i kam long papa na mama bilong em i miks Sentral, Manus na Nu Ailan. Em i gat 6-pela brata na sasa, 5-pela gels na wanpela boi.

Mis Rosemary i tok ol tisa bilong em long Marianville i bin putim nem bilong em bikos ol i luksave long save na strongpela laik bilong em long mekim wok bilong helpim ol narapela. Dispela em i go het yet long mekim wantaim ol arapela yanpela man merit aim em i go long Divine Word Yunivesiti na long skul em i kamap lida long planti ol provinsel grup na em i save traim long inapim olgeta plen em i gat long sios, sosol laip, pilai na long skul wok.

"Mi givim salens long mi yet olgeta de na mi save tok, God i lukim nid long mi na em i givim mi dispela ona, olsem na mi no nap stop long mekim wok bilong helpim ol narapela i nap long dai bilong mi," Mis Miria i tok.

Long Yunivesiti, em i bin kamap wanpela lida bilong SRC na wantaim tim bilong em, ol i bin kamapim planti gutpela wok. Wanpela bilong ol dispela em long namba wan taim stret, ol i bin kamapim wanpela hap long Kempas ol i kolim "Kibung Peles" we em i save strongim ol sumatin long wok bung wantaim long kamapim strong Papua Niugini.

Narapela bikpela samting ol i bin wokim em long opim wanpela Memoriel Pak bilong tingim ol famili bilong ol sumatin husat i bin lusim laip taim Airline PNG balus i bin paia na pundaun long Raikos long Madang Provins, long 13 Oktoba, 2011.

Hat wok bilong Rosemary Miria i go yet na long taim em i greduet, em i bin kisim tu wanpela President's Lidasip Awot, wantaim tupela narapela sumatin.

Rosemary nau em i wok long opis bilong Lo na Jastis Kodinesen, na laiesen na net-

wok opisa. Em wantaim 5-pela narapela yunivesiti greduet long des bilong wok painim aut bilong ol nupela hevi nau i wok long kamap, kain olsem, pasin bilong dring tumas bia, raun nating na kamapim trabel, lukim na salim ol piksa nogut na ol trabel long intenet, na pis biling.

Rosemary em i mekim wok painimaut long hevi bilong Sanguma insait long Papua Niugini. Em i tok klostu nau bai ol wok painimaut bilong ol bai pinis.

Narapela meri husat i bin kisim Kea na Kompason awot long 2012, em Mis Tessi Soi, meri husat i bin kirapim dispela ogenaísesen i save planim ol lain i dai long sik AIDS na ol lain bilong ol i no save kam kisim bodi, Frens Faundesens. Mis Soi i tok olsem em i bin lukluk long dispela awot na em tingting, dispela Kea na Kompason awot i bilong wanem samting?

"Mi luksave olsem mi mas daunim mi yet, na kisim dispela awot long nem bilong 369 ol liklik bebi, we mi bin kisim long Pot Mosbi haus sik mog na planim ol, stat long yia 2004 i kam i nap nau," Mis Soi i tok.

"Nau em i 29 yia mi wok olsem sosol woka long haus sik long Pot Mosbi Jeneral Haus sik, na mi bin i go i kam long mog planti taim tru nau, tasol dispela wanpela de long 2004 taim mi bin go long kisim tupela bilong ol 8-pela bikpela lain husat i bin dai long sik AIDS, mi no bin ting bai mi lukim ol liklik mekpas insait long ol napkin, blanket na bek rais i slip long sait bilong bodi bilong meri wea Frens Faundesens i laik planim. Mi singaut long olgeta Papua Niugini na mi, em i no kalsa bilong yumi. Bun bilong yumi em bikpela samting. Mi singaut long ol lain bilong ol narapela 6-pela bodi long kam na kisim i go planim," Mis Soi i tok.

"Tupela wik bihain mi no planim 39 tasol 41 bebi na dispela i go olsem tasol na nau mi gat lista bilong 73 narapela nem bilong ol bebi na liklik pikinini na mi singaut long ol famili bilong ol long kam na kisim ol na planim, tasol sapos nogat, yes mi bai mekim gut long ol na planim ol.

"Yu Ekselensi, na ol CPL Bod of Dairektas, mi laik mekim singaut i kam long yupela na i go long ol papamama na ol famili husat i gat bebi i stap long haus sik mog long kam toksave long mi na mipela ken helpim yu long planim ol. Mipela bai givim nem na hap long matmat long planim ol, nay u ken kam wantaim mipela na lukim olsem pikinini bilong yu em mipela planim pinis," em i tok moa.

"Mi dediketim dispela awot i go long ol meri husat i bin lusim wanpela pikinini long laip bilong ol, na mi laikim ol i save olsem, God i putim ol kain lain olsem mi na planti narapela



Mis Rosemary Miria na Mis Tessie Soi wantaim Grup CEO bilong CPL Mahesh Patel, Gren Sif Se Michael Ogio.

husat i mekim wok isi, isi i stap long helpim yu," Mis Soi i tok.

Narapela meri husat i bin kisim Praid ov PNG Awot long Envaironmen Kategori long 2009, Mis Nellie Bola, Siameri bilong Rigo Wimen in Agrikalsa Koperativ Sosaiti, i bin stap tu na mekim sampela toktok. Em i bin tok olsem dispela luksave bilong CPL i kamapim wanpela gutpela senis long laip bilong em yet olsem mama, meri na lida.

Em i helpim em long luksave long ol save na gutpela tingting em i gat long olgeta de, long stap olsem gutpela meri wantaim gutpela tingting.

Wimen in Agrikalsa Koperativ Sosaiti i stap long 5-pela distrik bilong Sentral Provins. Komes Dipatmen i givim K2,000 sit mani long stat bilong sosaiti long Novemba 2009 na bihain ol meri yet i taitim bun long painim mani long mekim dispela wok i kamap bikpela.

"Tude mi amamas long tokaut olsem, bekim bilong dispela awot mi kisim long 2009, dispela yia bilong Rigo Wimen in Agrikalsa Koperativ Sosaiti em yia bilong mekim wok. Mipela kisim pinis tupela helpim mani i kam long Strongim Pipel Strongim Nesen na Sentral Provinsel Gavman Provinsel Pefomens impruvmen inisativ bilong AusAID. Mipela kamapim wanpela neseri na wanpela trening risos senta haus bilong ol fama. Mipela bai givim trening tu long ol fama long nupela we bilong kamapim kaikai na maketim," Mis Bola i tok.

Ol meri long Rigo Distrik i kisim bikpela helpim long save na strong bilong Nellie. Em i opim rot wantaim CPL na CPL i save baim ol kaikai, kumu bilong ol ples meri na bihain em i save givim long ol maket blong ol. Ol dispela meri i amamas bikos ol i no save wet longpela taim long ol i ken go bek long ples, taim ol i bin bringim ol maket samting bilong ol wantaim helpim bilong Nellie Bola.

I gat 6-pela hap bilong dispela awot na ol nominesen bai pinis long 23 Septemba na ol bai tokaut long nem bilong

ol wina bilong wanwan hap bilong awot.

Namba wan awot em bilong *Yangpela Papua Niugini*, na bai i go long ol yangpela meri, krismas bilong ol 22 yia na aninit. Ol i mas soim gutpela wok ol i nap mekim wantaim tingting bilong bikpela meri na ol i mas gat gutpela pasin bilong bihainim lo bilong God na gutpela kalsa.

Awot bilong Breveri na Karis em bilong wanpela meri husat i no pret long helpim narapela long taim bilong hevi olsem taim nogut o taim bilong pait o paia na em i sevim wanpela o sampela lain.

Namba tri em awot bilong Komyuniti Spirit. Dispela awot em i bilong wanwan meri o grup i save mekim gutpela wok marimari long komyuniti bilong ol na i helpim long senisim laip bilong ol sitisen o pipel long komyuniti bilong ol.

Namba foa awot em bilong Lukautim wantaim Bel Sore (Care and Compassion) we wanpela meri i soim pasin bilong laikim na kea long sampela lain husat i no nap long helpim ol yet long sindaun bilong ol, na ol i painim laip i hat tumas.

Namba 5 awot em i bilong Envaironmen, we wanpela meri o grup i wokim pasin bilong kamapim gut envaironmen long gutpela we.

Namba 6 awot em long Edukesen na Rol Model we wanpela meri i kamapim gutpela mak long wok bilong edukesen olsem tisa o sumatin.

Long wanwan yia, ol lain i save salim nominesen bilong ol long wanpela fom ol i save pulimapim na i save go dropim long ol CPL stoa (City Pharmacy) a Stop n Sop long olgeta hap bilong PNG we CPL Grup i stap long en. CPL bai kisim 6-pela jas long makim wina bilong wanwan hap bilong Praid ov Papua Niugini Awot. Dispela ol jas em ol i sampion bilong ol wok bilong ol meri.

Dispela awot em i bilong olgeta Papua Niugini long aplai na nominesen i op pinis na bai pinis long Septemba 30, 2013.



Yut, Meri na Famili

Pastor Barbara Lunge

Man bagarapim meri i nidim helpim

Ol man na meri husat i painim hat long stopim tingting kirap bilong slip wantaim man o meri, i nidim bikpela helpim. Sapos ol i painim hat long daunim laik bilong slip wantaim man o meri, dispela bai bringim planti hevi long famili, ol lain ol i bagarapim ol, sosaiti na kantri olgeta.

Dispela em wanpela kain sik na ol i nidim marasin long helpim ol. Ol i no nap long helpim ol yet. Na wanem kain marasin bai ol dokta i ken givim long helpim ol lain i save bagarapim ol meri na i no nap long daunim tingting kirap bilong bihainim laik bilong bodi? Mi ting dokta bai tokim ol, long ol i mas traim long daunim strongpela tingting kirap bilong ol.

Nau sapos yu askim dispela kain lain, sampela tokim yu olsem, ol yet tu, em wanpela man o meri i bin bagarapim ol long pasin nogut, olsem na ol tu i mekim wankain. Long sampela lain, dispela kain pasin i stap long blut bilong ol, long famili lain olsem na ol i mekim.

I nogat wanpela marasin bai i ken oraitim dispela tingting kirap bilong bodi, nogat, tok bilong God tasol.

Aposel 4:12 i tok, i nogat narapela man i nap kisim bek yumi. Nogat, Long nem bilong Bikpela Jisas wanpela tasol yumi olgeta manmeri bilong graun inap i stap gut. Em wanpela tasol God i bin makim bilong kisim bek yumi."

Rom 10:13 "Olsem na olgeta manmeri i askim Bikpela long helpim ol, em bai i kisim bek ol."

Ol pipel husat i no save long Bikpela, i gat bikpela spes nating insait long lewa bilong ol. Na ol i traim long pulimapim dispela ples nating wantaim bikpela edukesen, pasin bilong amamasim bodi, nupela na gutpela ka, meri, na mani, tasol dispela i no inapim laik bilong ol.

Wanem samting i lus long lewa bilong yu, em bai kamap orait tasol wantaim Holi Spirit bilong God, na bikpela laikim bilong em, i nogat mak bilong em. Olsem na nau God i singautim yumi wanwan long pulimapim lewa bilong yumi wantaim bikpela laikim bilong em.

Rom 10: 9,10 i tok, "Sapos you tokaut klia long Jisas em i Bikpela, na sapos long bel bilong yu, yu bilip long God i bin kirapim em bek long matmat, orait God bai kisim bek yu. Long bel bilong yumi save bilip na God i kolim yumi stretpela manmeri. Na long maus yumi save autim bilip bilong yumi na God i kisim bek yumi."

Ol sitisen bilong Papua Niugini i mas tanim bel na tok sori long ol pasin nogut na tingting nogut bilong yupela.

God i bin bagarapim Sodom na Gomora long dispela kain pasin nogut bilong tingting kirap we ol i hat long daunim. Yumi ken ritim long Jenesis sapta 19, lain 15 ves 24, na ves 2.

Yumi wanwan i mas tanim long Bikpela God na tokaut long sin bilong yumi na tok sori long ol lain yumi save bagarapim na God bai kisim bek yu olsem pikinini man bilong em.

Aposel 3, lain 19 i tok "Tanim bel, na God bai tekewe ol sin bilong yu, na gutpela taim bilong nupela samting bai kam long yu long God".

Sapos yu laik save moa; toktok wantaim wokmeri bilong Bikpela, Barbara Lunge, Rivers of Grace intenenesen Ministri. P.O. Box 3063. Boroko. NCD. Papua New Guinea. B Mob 67331426/71075829 DG.



**STORI
TASOL**

wantaim
Fr Paul Liwun

Nogat rispek long lapun

OIGETA yia long Sande namba tu bilong Mun Me, yumi selebretim intenesenel de bilong mama (Mother's Day). Kain kain grup na komyuniti i selebretim long we bilong ol yet. Mipela long St. Michael Peris Hanuabada, insait long Port Moresby, i selebretim wantaim Santu Misa na amamas wantaim spesel keik (Cake) bilong ol Mama.

Long taim bilong Santu Misa long Baruni, Hanuabada na Bogi, mi bin toktok liklik long wok bilong Mama, na givim tok strong long man na pikinini i mas soim rispek i go long Mama. Planti mama insait long kantri na long wol i wokim bikipela wok. Tasol long wankain taim planti mama tu i karim planti hevi, bikos man na pikinini bilong ol i mekim nogut long ol.

Mi bin stori long wanpela eksperiens bilong mi. Tupela de long wanpela wik mi save go lukim ol sik manmeri na lapun insait long wan wan komyuniti. Mipela i prea wantaim na mi givim Santu Komunio long ol.

Taim mi kamap long wanpela famili, mi bin kirap nogut, bikos Mama i redim ples bilong prea i no long ples mipela i save bung na prea wantaim. Bikos pikinini man bilong em i kros, tok nogut, swerim na paitim em.

Olgeta taim mi kam, pikinini bilong em tu i save bung wantaim na prea. Tasol long dispela de, em i no laik joinim mipela bikos em i belhat wantaim mama bilong em. Olsem na mipela yet i prea na givim santu komunio long mama.

Bihain long prea wantaim mama na narapela pikinini, mi go na sindaun wantaim pikinini man na meri bilong em. Tupela i autim wari bilong tupela bikos ol i tok Mama i no bin sapotim em.

Mama i save sapotim narapela pikinini tasol. Taim em i karim bikipela hevi, ol i no sapotim em. Tasol em i save serim wantaim ol, wanem samting, properti papa bilong ol i lusim long em. Planti samting moa em i toktok na em i toktok nogut gen long mama bilong em, long pes bilong mi.

Bihain long harim stori bilong em, mi askim em: "Husat i karim yu?"

Em i kirap nogut taim mi askim olsem, na em i bekim: "Em tasol ya, dispela lapun meri nogut ya i bin karim mi".

"Bipo long em i karim yu, yu bin stap long we?" Mi askim em gen.

Em i lap na bekim; "Pater, yu i no save a? Mi stap long bel bilong em tasol!"

Na mi tok; "Tru a? Yu stap insait long bel bilong em a? Em i karim yu bikipela pinis olsem nau a?"

Taim mi tok olsem, em i daunim het bilong em. Olsem na mi tok; "Ating yu lusim tingting olgeta pinis a? Yu tingim mama bilong yu i no laikim yu a? Mi laik askim yu long tingim gen, yu stap olsem wanem insait long bel bilong mama bilong yu. Tingim tu hevi em i bungim long taim em i karim yu. Taim yu liklik bebi yet, em i hat wok tru long lukautim yu. Nau yu tok olsem em i no laikim yu a? Sapos em i no laikim yu, em i kilim yu pinis taim yu stap insait long bel bilong em yet. Sapos em i no laikim yu, em i kilim yu pinis taim yu stap liklik bebi yet. Olsem na noken ting mama i no laikim yu. Nau yu no amamas long em bikos yu yet i kamapim trabel."

Man i daunim het bilong em tasol. Olsem na mi lusim em na mi tok, "Mi hop yu tingim gen dispela tok mi bin autim nau. Mama bilong yu i laikim yu yet. Pasin bilong yu tasol na tingting bilong yu tasol, i tok em i no laikim yu. Tasol laikim bilong em i stap wantaim yu yet".

Yu tingim wanem? Mama i laikim yu yet olgeta taim.



Ol kaunsela greduet wantaim seitifiket.



**Pastor Mary
Morah, Yunaitet
Foa Skwea
Wimens (UFW)
Sauten Risen
Kodineta.**

Kaugere Wimen Risos Senta kisim GBV trening

Frieda Sila Kana i raitim

DIGICEL Faundesen na Foa Skwea Sios long Kaugere na patna Konstitusenel Implementesen Monitoring Komiti (CIMC) i pinisim wanpela 1 wik Jenda Bes Vailens trening long Fraide 31 Me 2013 aninit long Foa Skwea Wimens Risos Senta long Kaugere Sios na i lukim 11-pela lain kisim setifiket.

Dispela trening em i introdak-sen o namba wan step trening aninit long Jenda Bes Vailens, Mis Ruby Matane bilong Famili Seksual Vailens Eksen Komiti bilong CIMC i bin ronim stat long Mande 27 Me na pinis long Fraide 31 Me.

Mis Ume Wainetti, bos meri bilong FSVAC i bin stap spesel ges spika long dispela gredue-sen long givim aut setifiket wantaim meri makim Digicel Faundesen, Ruth Javin.

Mis Wainetti i bin tok olsem em i ting olsem dispela senta bilong Digicel Meri Seif Haus i no stap long raitpela hap bilong ol meri i gat hevi bai i ken go isi long en. Na tu em i tok K60,000 long wokim dispela tu stori haus em i bikipela mani tumas, na sapos ol Digicel na Foa Skwea Sios i bin toktok gut wantaim ol FSVAC bai dispela mani i ken kamapim bikipela moa risos senta. Em i tok bi-hain taim Digicel i mas toktok na wok wantaim ol FSVAC long kamap bilong ol seif haus olsem.

Em i tok moa olsem bihain long Jun bai ol i stat toktok long Nesenel Stendet bilong ol Seif Haus, klostu nau bai ol i kamapim wanpela akreditesen bilong tok orait long ol Meri Seif Haus long mekim dispela wok.

Sapos ol meri seif haus i no mitim olgeta stendet bilong as-esemen, bai ol i ken pasim senta.

"Kauseling i mas helpim meri long painim narapela rot long helpim em yet. Planti taim ol i no kisim gut kaunseling na ol i save go bek ken long wankain hevi ol i bin fesim long pastaim," Mis Wainetti i tok.

Tupela Pasto bilong Living Lait Foa Skwea Sios, em Pastor Arthur Tane, Asisten Sinia Pasto bilong sios na narapela em Pasto Mary Morah, meri kodineta bilong Yunaitet Foa Skwea Wimen Felosip (UFW), long Sauten Rijen bilong sios i bin kisim dispela trening tu.

Digicel Faundesen i fanim dispela trening long sapotim wok bilong Digicel Meri Seif Haus na Foa Skwea Wimens Risos Senta long helpim ol yangpela meri na ol mama insait long Kaugere na Pot Mosbi Saut ilektoret.

Pastor Mary Morah, husat i go pas long wok bilong ol Wimens Risos Senta, i tok i gat planti samting ol i lainim em i luk olsem i kamapim tru as bilong ol hevi i save kamap long komyuniti long paitim na bagarapim meri na kamapim pait na birua long famil bilong ol.

"Mipela lainim planti samting tasol, wanem samting i opim ai bilong mipela tru em olsem, i gat as, bilong wanem na ol trabel man i save mekim bikheth pasin. Em i go bek gen long kain tingting bilong yumi long komyuniti na pasin kalsa na tumbuna pasin bilong yumi. Pasin bilong yumi long daunim ol meri na nogat rispek long ol meri em i kamap as tru bilong pasin bilong paitim na bagarapim meri," Pastor Mary i tok.

"Kain olsem ol meri i mas mekim olgeta leba wok long famili na ples, o taim meri i kisim sik mun bai em i noken kukim kaikai bilong man olsem na taim meri i no mekim wok, o em i kukim kaikai long taim em i sik mun o kalapim kaikai, em kros na pait i kamap," Pastor Mary i tok moa.

"Yumi save tok olsem watpo na dispela pasin i save kamap? Yumi mas go bek gen long so-saiti bilong yumi na traim long senisim sampela pasin kastom bilong yumi," em i tok moa.

I gat 11-pela lain i kisim tren-ing, 10-pela i bilong sios stret na wanpela i bilong 8-Mail Komyuniti Lening Senta. Pastor Mary i tok sios bai wokim wanpela rosta bilong ol dispela 10-pela lain long ol bai stap sambai long kaunselim ol mama na ol yangpela meri husat bai i kam long Meri Seif Haus long painim helpim long taim ol i ranawe long hevi long komyuniti.

Pastor Mary i tok moa olsem, ol i luksave olsem ol sios kaunsela i save hariap long givim tok bilong God long taim ol meri i kam wantaim hevi bilong ol, na ol i no save traim lukim gut as bilong hevi i kam olsem wanem.

"Mipela lainim olsem mipela mas stap isi na harim hevi bilong ol meri pastaim na bihain mipela i ken skelim as tru bilong dispela hevi. Mipela noken hariap long givim tok bilong God na prea na salim ol i go nating, na ol bai go bek long wankain pasin na sindaun gen," Pastor Mary i tok moa.

Em i tok tenkyu tu long Digicel na i tok ol i laikim bai Digicel i ken givim ol ken namba tu na namba tri hap bilong dispela GBV trening gen long bihain. Dispela trening nau ol i kisim, em i gutpela tru na bai em na

Pasto Arthur i laik lainim gen ol arapela pasto long sios bilong ol long yusim long helpim ol sios memba bilong ol.

Asisten Sinia Pasto Arthur Tane i tok, em i driman bilong em long ol meri bilong Kaugere Komyuniti long kisim helpim long Wimen Risos Senta bilong sios, long painim gutpela ples hait, na tu lainim ol gutpela skils bilong kamapim gutpela laip olsem samapim klos.

Em i tok tenkyu long Ruth Javin bilong Digicel Faundesen na bos bilong em Beatrice long ol i wanbel long wok wantaim Foa Skwea Sios yet. Em i nidim mani long ronim Meri Seif Haus na nau yet mama Sandy, was mama bilong Meri Seif Haus i save maket long putim kaikai long tebol bilong givim long ol meri husat i ranawe kam hait. Na em i hop olsem Digicel na sampela patna tu bai kam insait long helpim long putim kaikai long tebol bilong ol meri i painim hevi na ranawe i kam long Digicel Meri Seif Haus.

Dispela em i namba wan trening Digicel Faundesen i mekim long patna wantaim CIMC long lainim Jenda Bes Vailens kaunseling long ol lain i lukautim ol Meri Seif Haus. Digicel i laik wok moa wantaim CIMC olsem wanpela nesenel bodi long PNG long ol arapela meri seif haus long bihain taim.

Digicel Faundesen i kamapim pinis 210 komyuniti bes prosek long 22 provins bilong PNG, na putim K18.75 milian i go bek long helpim ol komyuniti i gat nid na dispela i helpim stret 150,000 pipel. Em i plenim long go het yet long helpim ol prosek long komyuniti long edukesen na helt long mekim ol i ken sanap long helpim ol yet.

Bilong wanem na em i no slip long bet bilong karim?

Catharine Rivard wantaim Tim Scott i raitim

DOKTA Jeff i no bin lukim wanpela kain man olsem bipo.

Wankain olsem ol wokman bilong king i karim wanpela sia o bet bilong king, ol man karim dispela sia, i putim dispela sia i go daun isi tasol long floa bilong klinik.

Ai bilong lapun man i haitim pen bilong em taim ol famili bilong em i wok long karim em. “Plis, inap yu helpim mipela?” Ol i singaut. “Em i no nap wokabaut.”

“Bilong wanem na em i no slip long bet bilong karim?” Dokta Jeff i tingting planti. Kwiktaim em i luksave olsem dispela man i no nap long stretim lek bilong em. Baksait bilong em i bruk na i go long mak bilong sia em i sindaun long en. Inap long 5-pela yia, dispela man i bin sindaun olsem long dispela sia na i no nap wokabaut. Em i go painim ol dokta long olgeta hap bilong kantri tasol ol i no helpim em. Ukarumpa Helt Klinik em nau i las sans bilong em.

“Em mas wanem samting tru ya,” Dokta Jeff i tingting. Em i kisim wanpela tes long blut bilong dispela man na i givim em sampela marasin, prea long famili bilong em, na salim lapun man wantaim sia



SIL Ukarumpa klinik

i go bek long ples. Em bai wok o nogat? God wanpela tasol i save. Kirap nogut, taim lapun man i kam bek ken long klinik wanpela wik bihain, pen bilong em i go daun pinis!

Narapela ol mun i kam, em i kisim marasin yet, na pen i go pinis olgeta, na man ya em i kisim strong bilong em bek, long ol pinga bilong lek na

skru bilong em. Lapun man em i taitim bun, na daunim pen long traim helpim em yet long stretim lek bilong em gen.

Wanpela taim, em i slip go daun long haus bilong em na putim rop raunim lek bilong em. Meri bilong em tromoi rop i go antap long timba bilong ruf na putim wanpela hevi

samting long narapela sait bilong rop na traim long pulim lek bilong em long kamap stret.

Bihain em i sindaun antap long skru bilong em long bengim i go daun long bai em i kamap stret.


Wanpela yia bihain long em i kisim ol marasin na ol ekse-sais, lapun man em i kirap na

sanap gen na wakabaut. Bikpela amamas i bruk long pes bilong em. Em i kisim nupela laip gen!

2,000 yia i go pinis, taim wanpela man i no nap wok-about i kamdaun long ruf bilong haus, Jisas i soim em yet olsem God na em i givim dispela man, nupela laip long bodi na long spirit tu. Dispela

testimoni bilong bodi na spirit i stap yet long wok bilong tanim Baibel tude, na long wok bilong lukautim long marasin. Wok bilong tupela i wankain tasol.

“Olgeta lain bai kirap nogut na liptimapim nem bilong God, na i tok, mipela i no save lukim kain samting olsem bipo!” Mak 2:12.



Tabako noken sponsa, noken givim skolasip, na noken advetais

SMUK Tobako i noken sponsa, noken givim skolasip, na noken advetais.

Dispela em i as tok tok bilong Wol tok Nogat long Tobako De we i bin kamap long Fraide Me 31.

Insait long Pot Mosbi, dispela de i kisim luksave long tupela de, Fonde 30 Me na Sande Jun 2.

Long Fonde 31, NCD Helt Opis edukesen tim i go aut long sampela praimer skul na hai skul long givim toktok bilong ol birua i save kamap long smuk tapak na long ol sumatin insait long Pot Mosbi Saut na Not Wes ilektoret.

Long Pot Mosbi Saut, ol i bin go long Sen Therese, Badili Praimeri Skul, na i bungim olgeta skul pikinini wantaim ol tisa bilong ol. Sista Esther Pinga, NCD Helt Pot Mosbi Not is, Autris Kodineta i bin givim helt tok long ol sumatin bilong Sen Therese na i givim ol posta i gat piksa bilong bodi bilong man i bagarap long taim em i smuk tapak long ol sumatin na tisa.

Em i tok, smuk i ken kamapim bagarap olsem lang kensa, meri karim bebi hariap tumas na taim bilong em bilong karim i no kamap yet, ai pas, nus i no nap

smelim samting, yau i pas na sua long maus.

“Smuk tobako i ken kamapim laipstail disis na sotim laip na kamapim bagarap long bodi,” sista Pinga i tok.

Sande 2 Jun, NCD Helt na Nesenel Dipatmen ov Helt opis na PNG Spots Federesen opis i kamapim wanpela wokabaut raunim Se John Gais stedium stat long 7 kilok moning na i pinis long 9 kilok wantaim 300 skul pikinini, sampela papamama, ol tisa na wanwan wokman meri bilong helt na disis kontrol long nesenel helt opis.

PNG Spot Federesen i bin oganaisim dispela wokabaut na ol i bin kisim polis long lukautim ol lain long dispela wokabaut, i stat long men get bilong Se John Gais Stedim, apsait long Visen Siti na i go bihainim Hubet Mari Hai We long fran bilong helt opis, na i go bihainim Cameron Rot i go daun olsem long Daltron, na gen bihainim Kenedy Rot i go long Somare Faundesen na go bek long stedium.

Ol skul pikinini i kamap em bilong Gerehu Sekederi Skul, na ol Praimeri skul em, Sen Therese Badili,

Ororo, na Carr Memorial.

“Noken kisim smuk olsem wanpela hap bilong laip bilong yu. Yu mas stop long smuk bikos em i no gutpela samting long bodi bilong yu. Yu laik kamap gutpela spots man na meri, yu noken smuk, na noken kaikai buai,” PNG Spots Federesen Sauten Rijen Kodineta, Mista Ronnie Mea, i tokim ol sumatin long Se John Gais Stedium.

Helt Minista na Sekreteri bilong Helt i no bin stap long dispela taim bilong tingim Wol Nogat Tobako De pinis tasol Deputi Sekreteri, Nesenel Helt Polisi na Korpolet Sevises na Ekting Sekreteri, Mis Elva Lionel, i bin stap long autim toktok bilong Minista bilong Helt Michael Malabag.

Mista Malabag, i tok, “Stop long advetais, promosen na sponsasip na askim, tobako indastri i wok long tanim het bilong yu wantaim sponsasip na advetismen na promosen bilong ol o nogat?”

“Sapos yu stap olsem, orait yu mas traim long kamaut. Na bilong wanem bai yu mas kam aut?”

Minista i tok, “Ol sik na dai i save kamap long

smuk tobako nau i kamap bikpela tru long wol. Em i save kamapim olsem 80 pesen bilong ol sik we i no kamap long ol jem o binatang bilong sik. Tobako i save kamapim planti bilong kensa sik olsem, lang kensa, kainkain sik sotwin, kru i dai, hat atek, hai blat presa, sik suka, na karim liklik bebi tumas. Em i save

bringim bagarap long ol lain smuk na i no smuk wantaim.”

“6 milien pipel long wol i dai olgeta yia long sik i kamap long smukim tobako. Dispela kain dai nau em i lusim ol bikpela kantri na bihainim ol liklik, nupela kantri olsem Papua Niugini. Samting olsem 50 pesen manmeri i save dai yang-

pela, krismas namel long 30 na 69 yia. Dispela em ol yia we manmeri bai wok strong long ikonomi na developmen bilong nesen. Em i min olsem wok kamap bai i slek na bai givim hevi long sosol na ikonomi developmen na bringim poveti o nogat mani na nogat gutpela sindaun i kam,” em i tok moa.



Ol pikinini long Sen Therese Badili harim helt toktok



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)



TINGIM BEK: Kwin Elizabeth 2, i makim namba wan taim em i kisim luksave olsem kwin, bihain long 60 yia.

Kwin Elizabeth 2 makim 60 yia anivesari koronesen

KWIN Elizabeth 2 na arapela ol memba bilong royal famili i bin kamap long sere-
moni long West Minista Abi
bilong makim 60 yia
anivesari long koronesen
bilong em.

Dispela sevis i lukim sam-
ting olsem 2,000 pipel i bin
kamap long en, lukim ol i
kamapim ol musik na sings-
ing lotu bilong 1953 korone-
sen em Din bilong
Wesminista i bin go pas long
en.

Em i tok siksipela ten yia i
go pinis, long dispela holi
ples, Kwin Elizabeth i bin
kisim blessing long holi wel,
i bin werim ol sekret klos,
bihain long em i bin kisim
mak bilong pawa, ol i krau-
nim em wantaim kraun
bilong Sen Edward, King na
Konfesa.

Em i tok dispela sevis i
makim tru siksipela ten yia
bilong hatwok we em i

mekim wantaim trupela
tingting long lewa bilong em.

Sen Edward kraun, kris-
mas bilong em 350 yia, Kwin
i werim long koronesen, i
lusim Tawa bilong London
wantaim strongpela sekyuriti
long namba wan taim insait
long 60 yia bilong makim
dispela anivesari.

Planti handret pipel i bin
bung long strit ausait long
Abbey, long lukim Kwin na
famili bilong em taim ol i go
kamap.

Kwin, nau 87 krismas
bilong em, i go wantaim man
bilong em, Prins Philip, nau
91 krismas bilong em, we
em tui bin kamap maski
long em i no bin kamap long
wanpela bung nait bipo, long
wanem em i gat liklik sik.

Prins Charles, i stap long
lain bilong kamap king, i bin
sindaun klostu long mama
na papa bilong em, wantaim
tu, meri bilong em Camila,
na klostu long ol em long
William na Catherine.

Prince Charles i bin 4-pela
krismas taim mama bilong
em i bin kisim mak bilong
Kwin.

Justin Welby, Asbisop

bilong Canterbury, i bin
givim namba wan toktok, na
Praim Minista David
Cameron na Komonwel
Sekreteri Jeneral, Kamalesh
Sharma, i bin givim ol riding
bilong ol.

Ol selebresen bilong 60
yia anivesari bilong korone-
sen i no bin bikipela samting
tumas, winim ol festival i bin
kamap las yia long makim
taim Kwin i kisim mak bilong
Kwin long 1952.

Ol jas long Pasifik toktok long we bilong dil wantaim HIV/AIDS

OL jas bilong Esia Pasifik i
bung long Tailen (Thailand)
long toktok long hevi ol pipel
wantaim HIV bai gat long
tingting bilong ol.

Tripela ten ol jas i kam
long 16 kantri bilong Esia
Pasifik i bin bung long Tailen
long toktok long hau ol i ken
kamapim moa gutpela luk-
save long ol pipel i gat sik

HIV.

Ol sinia jas i bin harim ol
toktok long we ol tingting
bilong loa i ken kamapim
kain wari long sait bilong
humen raits bilong ol pipel i
gat sik HIV long wanpela
bung long Bangkok.

Dokta Mandeep Dhaliwal,
Dairekta bilong HIV, Helt na
Dipelomen wantaim
Yunaitet Nesens
Dipelomen Progam, i bin
tokim Esia Pasifik progrem
bilong Radio Australia, i tru
ol jas i wok long ol kantri i
gat narapela kain bilip na
sindaun bilong ol, olgeta
bilong ol i gat wankain wok
long mekim long lukautim ol
humen rait.

Em i tok ol jas i ken wok
long mekim ol samting long
daunim ol rong insait long
kot rum, na ol lain bilong loa,
tasol bikipela long en, insait
long ol komyuniti.

Em i go het na tok ol jas
olsem lida long komyuniti,
komyuniti i gat bilip long ol
olsem ol i no lain bilong
sapotim wanpela sait tasol,
ol i mas glasim gut evidens
na bikipela long en, lukautim
gut humen rait.

Mis Dhaliwal i tok intane-
senel forum i mekim bikipela
wok we i givim ol jas i kam
long ol kantri i gat narakain
loa sans long serim save ol i
gat, na we ol i mekim wok
bilong ol.

Kimbe man long PNG i dai long pait bilong polis na ol opisa bilong haus kal-abus

PAIT kros namel long
polis na haus kalabus opisa
long Kimbe long Wes Nu
Britten, we ol i yusim gan,
long mun i go pinis, i
kamapim dai bilong wan-
pela man long haus sik.

Katres long wanpela gan
tupela sait i bin yusim long
dispela pait kros bilong ol
long Kimbe tupela wiki go
pinis i bin kamapim dai
bilong Junia Lilibur.

Yangpela Lilibur i bin stap
wantaim famili bilong em
long Gigo Setolmen long
Kimbe, taim dispela birua i
bin kamap long em.

Gavana bilong Wes Nu
Britten, Sasindran Muthuvel,
i tok em i bin soim sori
bilong em na i bin nap long
halivim long kisim em i go
long Pot Mosbi haus sik.

Em i tok taim em i go
lukim Junia Lilibur long
Fonde bilong las wik, em i
lukim em long Intensiv Kea
Yunit na em i gat wari long
kisim win long wanem wait-
lewa bilong em i gat blut, na
i wok long pait long stap
laip.

Vanuatu Helt Ministri wok hat long daunim sik kensa

VANUATU Helt Ministri,
wantaim halivim bilong
AusAID, i bin gat strongpela
tingting long daunim dispela
sik kensa long ol meri na ol
yangpela meri long
Vanuatu.

Helt ministri long Vanuatu
statim ol wok bilong em nau
long traim daunim sik kensa
i kamap long ol mama na
yangpela meri.

Olsem na lukim moa long
tri tausen ol yangpela skul
meri em ol i wokim yia 12
long ol skul long Vanuatu
nau bai inap kisim stik
marasin, em ol i kolim
Cervarix banis sut long
stopim dispela sik i kamap
long ol.

Apisai Tokon, Nesenel
Kodineta bilong Vanuatu
Pablik Helt, i bin tok stik
marasin em i bilong stopim
ol yangpela meri long kisim
sik kensa long billum bilong
pikinini, insait long ol meri.

Tingting bilong givim Stik
Marasin long ol meri i bin
bihainim wanpela skringing
progrem Vanuatu helt min-
istri bin holim long ailan
bilong Efate.

Taim dispela skringing pro-
grem i bin kamap, ol i bin
painim olsem i gat ol mama
i bin dai long sik kensa long
wanem helt ministry i no
mekim inap wok long luk-
save long dispela sik taim
em i bin liklik yet.

Wok bilong dispela banis
sut, long ol meri i bin stat
long 2008, inap long 2012,
na mani halivim bilong dis-
pela wok em intanesenel eid
ejensi bilong Australia,
AusAID, i bin givim long sta-
tim dispela progrem na
bihain, Vanuatu gavman
kisim na lukautim long pinis
bilong 2012.

Planti tausen pipel i protes long strit bilong Istanbul na ol arapela siti

PLANTI tausen pipel i
bung long ol strit bilong
foapela bikipela siti bilong
Teki (Turkey), na pait wan-
taim ol raiot polis long
namba tri de bilong ol protes
agensim gavman.

Wanem samting i bin sta-
tim dispela protes em pipel i
soim kros bilong ol i go long
wanpela propeti developa
man long namel stret long
siti bilong Istanbul nau i
kamap olsem bikipela kros
stret agensim Islamik gav-
man bilong Praim Minista

Tayep Erdogan.

Ol protes i bin stat long las
wik Fraide taim ol pipel i
katim na rausim ol diwai
long wanpela pak long
Taksim Skwea long Istanbul
aninit long wanpela tingting
bilong gavman long
kamapim sampela wok
developmen long eria.

Moa long 1,700 pipel i
bungim arestim pinis, na
sampela handret ol arapela i
bin kisim ol bagarap insait
long ol pait wantaim polis.

Bihain long ol pait na tra-
bel wantaim polis, planti
tausen ol pipel i go bung
gen long Taksim Skwea long
Istanbul na singaut na tok
nogut i go long gavman.

Polis i bin yusim ol smuk
bom long traim rausim plan-
ti handret pipel i bin bung
long bikipela skwea long
kapitel Ankara.

Na i bin gat ol wankain
pait polis i mekim i go long ol
pipel i bung long ol arapela
siti bilong Ismir na Adana,
namba tri na namba foa
bikipela siti bilong Turkey.

Minista bilong Intiria,
Maumner Guler, i tok 1,700
pipel nau polis i arestim ol
pinis.

Bos bilong India Kriket i malolo, tasol i no pinis olgeta

BIKMAN bilong India
Kriket bod i malolo taim ol
wok painim i kamap long
lukluk i go long ol toktok i
kamap olsem i gat wari
bilong bet long ol pilai insait
long Premia lig.

Presiden bilong Bod ov
Kontrol bilong Kriket long
India (BCCI), N. Srinivasan,
i bin bungim planti toktok
long em i mas pinis long
wok insait long imejensi mit-
ing long siti bilong Chennai,
tasol i luk olsem em i askim
long ol i larim em i stap long
wok bilong em.

Em i tok em bai malolo
long wok bilong em na i no
inap risain. Dispela em tok-
tok bilong Presiden bilong
Punjab Kriket Asosiesen,
I.S. Bindra, husat i bin stap
long dispela miting taim dis-
pela toktok i bin kamap.

Mista Srinivasan i no bin
laik pinis long wok bilong
em, mask ii bin gat planti
askim long em i mas pinis,
bihain long tambu bilong
em, Gurunath Meiyappan, i
bin bungim arestim long 24
de bilong mun Me, long ol
toktok olsem em i bin hap-
bilong ol iligal bet i wok long
kamap long ol pilai kriket
long India Premia Lig.

Long dispela hevi, i lukim
tripela bikipela opisal, wan-
taim tu, siaman bilong India
Premia Lig, Rajeev Shukla, i
bin pinis bihainim ol dispela
hevi, na dispela i putim moa
wari long Presiden long em i
mas pinis long wok, o risain.

Pacific BEAT

4, 5, 6am & 4pm, 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific best.



WANTOK

KOMENTRI

Luksave long samting yumi gat yet...

SAPOS yu gat gutpela samting yu lukautim i stap, noken mekim samting long tromoi nating ol dispela gutpela samting.

Long las mun i go pinis, bikpela tok luksave i pas long tok-pait namel long ol pipel na komyuniti, long mekimsave yumi ken givim long ol lain i wok kilim dai ol manmeri nating.

Pasin bilong bagarapim arapela, i wok kamap bikpela long yumi nau.

I gat planti tok-pait, na planti astingting, na tu, Kristen bilip tingsave we yumi harim i kam long maus bilong ol lida bilong yumi.

I no ol lida bilong gavman tasol. Nogat.

Ol sios lida tu i givim tingting bilong ol long kain ol mekimsave gavman i wok long laik sanapim na strongim.

Gavman i go het pinis long strongim loa bilong kilim dai man kot i painim i rong na kilim arapela.

Tasol ol sios tu i toktok long sait bilong buk tambu,

na ol skul we mipela olsem ol bilipmanmeri i save kisim stia na skul long en, bai yumi ken sindaun gut.

I tru planti manmeri tude i no wanbel wantaim ol toktok bilong givim bel, na pogivim man i mekim rong.

Planti long yumi tude bai tok olsem ol dispela skul tok, bai no inapim sore, na belkrai bilong ol lain famili i lusim wanpela long han bilong narapela man o meri.

Planti moa bai tok olsem sapos i gat manmeri husat i no bihainim tok bilong God, na i kilim nating arapela, em i mas kisim wankain mekimsave.

Olgeta dispela tok-pait, nau i kirapim pinis wanpela bikpela luksave.

Pasin bilong lukluk strong, bihainim, na givim skul tok long ol lain famili long tok stia i stap insait long buk tambu, na haus lotu, yumi wok lusim.

Nau, sapos i gat wanpela skul tok yumi mas bihainim, em i skul tok bilong strongim bilip.

Long taim bilong tudak, strong bilong bilip bilong yumi tasol, bai holim yumi sanap agensim olgeta kain birua.

I tru, i gat hevi i stap long ples graun.

I tru, olsem i gat ol man na meri nogut i stap bilong bagarapim yumi.

Tasol nau yet long kantri bilong yumi, pasin bilong skulim gut ol yangpela, i no moa strong olsem long taim bilong ol tumbuna.

Yumi tude, i noken ting olsem bikos save mak bilong yumi i winim save mak bilong ol lain bilong bipo, bai yumi save moa long sindaun bilong tude na tumora. Nogat.

Maski yumi gat savemak we i abrusim tru ol lain tumbuna bilong yumi, ol skul na pasin bilong gutpela laip, luksave na sindaun, em i wankain tasol.

Laikim arapela, olsem yumi laikim yumi yet, na olsem yumi laikim ol arapela long mekim wankain long yumi, em i bikpela samting.

Lukautim ples graun, wara, na olgeta samting bikman i givim yumi, em i no skul tok nating. Em i gat mining, na i gat as bilong en long sindaun bilong olgeta samting long ples graun.

Planti taim, yumi save tingim sindaun bilong yumi yet, na yumi no save tingim arapela.

Tude, yumi PNG i sindaun long arere bilong planti gutpela samting, na planti birua wantaim.

Wanpela samting yumi mas tingim oltaim, em strong bilong busgraun, na wara bilong yumi.

Dispela ol samting, Papa God i no givim yumi nating.

Planti ol samting yumi gat, sampela ol arapela kantri long wol i nogat moa, na planti moa bikpela, na olpela kantri long wol, i laikim long strongim sindaun bilong ol yet.

Yumi noken lusim o tromoi samting yumi gat, long kisim amamas bilong sotpela taim tasol.

Bikman i makim yumi ol wasmanmeri bilong busgraun na wara.

Yumi noken lusim dispela wok na aipas long inapim laik na han paus bilong yumi wanwan.

Em i no bilong yumi long givim, na yumi noken tok olsem yumi gat rait long tromoi nating.

150 PNG polisman long Kwinslen...Maruns yahh!!!



WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

 Program bilong Wanwan De De - Mande – Fraide 6am – 10am – Sankamap show – Host: Kas.T 6:00am – Major Nius Bulletin 6:15am – Komunititi Notis Bod 6:25am – Taim Bifo – wangepa singsing b'long bifo. 6:30am – Nius Hetlains 6:45am – Bonde grtins 7:00am – Major Nius Bulletin – YUMIFM Nius Senta 7:05am – YU TOK – komiuniti awenes program 7:15am – WAN 4 DA ROAD – Hit Prediction – niupela singsing 7:30am – Tok Pilai – stori b'long putim smail long nus pes. 8:00am – Major Nius Bulletin – YUMIFM Nius Senta 8:05am – YU TOK – komiuniti awenes program 8:15am – “Papa Heni Fuka Show”. 9:00am – Nius Bulletin – YUMIFM Nius Senta 9:15am – Luksave long Komunititi (Redio Pilai) Fraidei	Tasol 9:30am – Final aua cruz 10am – 3pm – Monin Trek na Belo Pack – Host: Mummy DASH 10:00am – Major Nius Bulletin – YUMIFM Nius Senta 10:05am – YU TOK – komiuniti awenes program 10:15am – Kona b'long yu. 10:45am – YUMI PAINIM WOK Segment 11:00am – Nius – YUMIFM Nius Senta 11:05am – YU TOK – komiuniti awenes program 11:10am – Lukautim yu yet – Helt toktok 11:30am – Nius Hetlains b'long Belo Taim – Laik b'long yu – Niupela singsing previu 12:00pm – Major Nius Bulletin – YUMIFM Nius Senta 12:05pm – YU TOK – komiuniti awenes program 12:10pm – BELO Pack – Belo taim rekwes na dedikesen 12:15pm – Komunititi Notis Bod 12:20pm – BELO Pack – Belo taim rekwes na dedikesen 1:00pm – Nius – YUMIFM Nius Senta 1:05pm – YU TOK – komiuniti awenes program 1:10pm – BELO Pack – Belo taim rekwes na dedikasen	2:00pm – Major Nius Bulletin – YUMIFM Nius 2:05pm – YU TOK – komiuniti awenes program 2:45pm – YUMI PAINIM WOK Segment 3pm – 7pm – Avinun Draiv Taim – Host: Vaviessie 3:00pm – Nius – YUMIFM Nius Senta 3:05pm – YU TOK – komiuniti awenes program 3:10pm – Avinun cruz 4:00pm – NIUS - YUMIFM Senta 4:05pm – YU TOK – komiuniti awenes program 4:10pm – FOAPELA KAM GUD LONG 4 – foapela singsing 4:30pm – Nius Hetlains 4:45pm – YUMI PANIM WOK Segment 5:00pm – Major Nius Hetlains – YUMIFM Nius Senta 5:05pm – YU TOK – komiuniti awenes program 5:10pm – 6:00pm – KULCHA Musik (1 hr) skelim lokal musik 6pm – 7pm – NAIT BEAT – Host: Vaviessie 6:00pm – MAJOR NIUS BULLETIN – YUMIFM NIUS Senta 6:05pm – YU TOK – komiuniti awenes program	6:10pm – 7:00pm Mon kamap sho 6:45pm – Komunititi Notis Bod 7:00pm – 9:00pm – COCA COLA GARAMUT – Host: Angra Kennedy 7:00pm – Nius – YUMIFM NIUS SENTA 7:05pm – YU TOK – komiuniti awenes program 9:00pm – 00am - Nait Beat – Isi Cruz long nait 00am – 6am – BRUKIM TULAIT SHOW – Host: Tuluvan Vitz/Talaigu Sopi/Bata Rat 00:00 – Early Monin Taim Cruz (ol lain brukim tulait shift) - Musik / Request / Tok pilai - Kipim Kampani long ol nait shift. Wikens – Sarere 6am – 10:00am – Wiken Sanrais Host: Talaigu Sopi 7am – 9am – Sarere Monin Cruz 9am – 11am – Monin Treks 11am – 1pm - National Weekly Hit Parade – Host: Kasty - 1st aua NWHP 12:00pm NIUS – YUMIFM Nius Senta 12pm – 1pm - 2nd aua NWHP	Sarere belo cruz – Host: Tuluvan Vitz 1pm – 2pm – Sarere Belo Taim Dedikesen 2:00pm NIUS – YUMIFM Nius Senta 2pm – 6pm - Sarere Avinun Cruz 6:00pm NIUS – YUMIFM Nius Senta 6pm – 00:00am - Nait beat 7pm – 9pm - Coca Cola Garamut 9pm – 00:00am - Nait cruz 00:00am – 6am - Brukim Tulait Show Wiken - Sandei 6am – 10am – Wiken Sanrais / Sandei Monin wokabout Musik – Monin Treks 10am – 12noon NIUS – YUMIFM Nius Senta 12noon – Sandei Belo Taim Music 12 – 2pm NIUS – YUMIFM Nius Senta 2pm – 6pm – Sandei Avinun Draiv Music 6pm – Nius – YUMIFM Nius Senta 6pm – 8pm – GOSPEL REKWES AUA 8pm – 00:00am - Late Nait Cruz – Poroman Aua 00:00am – 6am - Brukim Tulait Show Program Director – YUMIFM – Kasty
--	--	--	---	--

RADIO AUSTRALIA TOK PISIN PROGRAM	
HARIM LONG: 101.9 FM	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Spots
7.30PM	Nius na Karen Afeas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE - Morning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE - Morning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE - Morning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE - Morning - Nait	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE - Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE - Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femili Blong Serah (Redio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

Raun wantaim Wantok kru ...

Pikinini bihainim Papa

Nicky Bernard i raitim

PASIN bilong bihainim papa o mama long wok bilong ol em kamap bikpela long yumi long Papua Niugini, na dispela kain pasin save amamasim papamama bilong yumi.

Wangepa yangpela polis man husat i pas aut long Bomana long las wik Fonde i bihainim wok bilong papa na kandere man bilong em.

Dispela yangpela mangi *Wantok Niuspepa* i no kisim nem bilong em, tasol em hap kas bilong Wes Nu Briten na Wes Sepik.

Papa na kandere man bilong em, tupela bin pas aut longpela taim go pinis taim tupela bin yangpela man.

Long pas aut seremoni bilong dispela yangpela polis man, papa, mama na ol brata susa wantaim dispela kandere man bilong bin go stap na lukim pas aut bilong dispela yangpela polis man.

Papa na kandere bilong dispela yangpela polis man i lukim em pas aut

Pasin bilong amamas taim wangepa bilong famili greduet long skul o wangepa wok, dispela amamas em bikpela tru olsem

long ol dispela famili bilong dispela yangpela polis man.

Dispela yangpela polis man tu bai amamas long

em yet tasol em bai gat bikpela wok long mekim long helpim lo na oda bilong yumi insait long kantri.



EMTV Television Guide

FONDE JUN 6, 2013		FRAIDE JUN 7, 2013		SARARE JUN 8, 2013		SANDE JUN 9, 2013	
4:57 AM G	AUSTRALIA NETWORK	4:57 AM G	AUSTRALIA NETWORK	4:57 AM G	AUSTRALIA NETWORK	4:57 AM G	AUSTRALIA NETWORK
5:00 AM G	JOYCE MEYER	5:00 AM G	JOYCE MEYER				
5:30 AM G	EMTV NEWS REPLAY	5:30 AM G	EMTV NEWS REPLAY				
6:00 AM G	TODAY	6:30 AM G	TODAY				
09:00 AM	CLASSROOM BROADCAST	09:00 AM	CLASSROOM BROADCAST				
9:00am	Grade 7 Mathematics	9:00am	Grade 7 Mathematics				
9:50am	Grade 7 Science	9:50am	Grade 7 Science				
10:40am	Grade 8 Mathematics						
11:20am	Grade 8 Science						
1:00pm	Grade 6 Mathematics						
1:50pm	Grade 6 Science						
2:30pm	DEPI Program						
3:30 PM G	KIDS KONA						
3.30 PM	GO DIEGO GO						
4:00PM	LOCKIE LEONARD						
4:30PM	MORTIFIED						
5:00 PM G	KITCHEN WHIZ						
5:30 PM G	TRAPPED YR.1 EP#5						
6:00 PM G	EMTV NATIONAL NEWS						
7:00 PM G	RAIT MUSIK						
8:00 PM G	RESOURCE PNG EP#74						
9:00 PM G	SOKAXTRA						
9:08 PM G	HOT SPOT EP#17						
9:30 PM PGR	ELITE MUSIC ZONE EP#18						
10:30 PM PGR	NRL FOOTY SHOW						
12:00 AM G	EMTV NEWS REPLAY						
1:00 AM	AUSTRALIA NETWORK						
10:40am	Grade 8 Mathematics						
11:20am	Grade 8 Science						
1:00pm	Grade 6 Mathematics						
1:50pm	Grade 6 Science						
2:30pm	DEPI Program						
3:30 PM G	KIDS KONA						
3.30 PM	GO DIEGO GO						
4:00PM	LOCKIE LEONARD						
4:30PM	MORTIFIED						
5:00 PM G	KITCHEN WHIZ						
6:30 AM G	EMTV NEWS REPLAY						
7:30 AM G	ULTIMATE GUINNESS WORLD						
8:00 AM G	YOGA SUTRA EP# 11Rpt.						
8:30 AM G	K-WAVE EXTRA EP#5/10						
9:00 AM G	TOTALLY SPIES Ep#5rpt						
9:30 AM G	DANI'S HOUSE... Ep#5rpt						
10:00 AM G	SKILLICIOUS ... Ep#5....rpt						
10:30 AM G	TRAPPED – Ep#5....rpt						
11:00 AM G	LAST MAN STANDING ... Ep#5						
11:30 AM G	AUSTRALIA NETWORK						
5:30 PM G	OLSEM WANEM Ep#20						
6:00 PM G	EMTV NATIONAL NEWS						
6:30 PM	NRL ROUND 13						
8:30 PM G	NRL ROUND 13						
10:30 PM G	EMTV NEWS REPLAY						
11:30 PM G	AUSTRALIA NETWORK						
6:00 AM G	EMTV NEWS REPLAY						
6:30 AM G	IT IS WRITTEN – ”						
7:00 AM G	HILLSONG						
7:30 AM G	JOSEPH KINGAL MINISTRIES						
7:45 AM G	AUSTRALIA NETWORK						
8:00 AM G	YOGA SUTRA Ep#12						
8:30 AM G	BUSINESS PNG Rpt.						
9:00 AM G	MARTIN MYSTERY Ep#						
9:30 AM G	OLSEMWANEM- Rpt						
10:00 AM G	RESOURCE PNG –Rpt						
11:00 AM G	COOKING ISN'T SCIENCE						
11:30 AM G	AROUND THE WORLD IN 85						
12:00 PM G	AUSTRALIA NETWORK						
2:00 PM G	NRL ROUND 13						
4:00 PM G	NRL ROUND 13						
6:00 PM G	EMTV NATIONAL NEWS						
6:30 PM G	LOVE PATROL S5 EP#9/10						
7:00 PM G	TOKPIKSA EP#21						
7:30 PM G	NRL ROUND 13						
9:30 PM G	60 MINUTES EP#17						

TORO**BIABIA**

KANAGE



TOKWIN

Polis Greduesen kam gut, tasol....

Long Fonde laswik, ol yangpela
keded i greduet long Bomana Polis
kolis. Mi lukim olsem ol yangpela i
amamas tru na bilas gut tru long
pered long kisim luksave bilong ol
minista Labi Amaiu na ol arapela
bikpela top man bilong polis.
Pered i bin kamap long bikmoning
tru we planti manmeri na pikinini
tu i go lukim ol yangpela bilong ol i
greduet.. Tasol long belo nau, san
i wok long sain strong na givim
hevi long sampela ol greduets..
Plantu bilong ol i pundaun long
pered yet taim minista i toktok i
stap na ol i rasim ol i kamaut long
sikbe ananit long wampela diwai we
ol i givim wara na rausim su na

kaki klos bilong ol long kisim win..
Mi sore tru long ol..
Tasol ol mas save dispela kain wok i
no isipela wok ol bai mekim. Dispela
i no namba wan birua bai ol i feisim.
I gat planti moa kain birua bai kam
yet na bai ol i feisim long wok bi-
long ol..Yu mas strong na sanap
tasol long pait egens ol korapsen na
kainkain ol hevi na birua...
Kongretulesen long ol yangpela gre-
duets bilong Bomana Polis Kolis..
God i stap wantaim yupela.
Yu mekim PNG i sanap strong moa
yet!!

Deth Penalti i kamap
tasol ol man i no harim
gut yet...

Planti kilim dai nating man i wok
long kamap bikpela yet long ol siti.

Yumi ritim pinis na harim gut pinis
long redio olsem gavman i oraitim
mama loa long Deth Penalti.

Tasol long laswik tasol ol birua i
kilim dai nating wampela man long
Morata na tromoi bodi bilong em
long fran bilong haus bilong wan-
pela man... na long Lae, ol raskol i
kilim dai nating wampela sumating
long mobail fon bilong em tasol...
Ol birua i no pret long ass bilong
deth penalti.

Ating yumi kilim wanpela trabol
man long pablik na opim sampela
pastaim..

Hariap na stat wok long deth
penalti!

Tokwin Tasol...

M	A	N	U	S	N	A	L	I	A	H	N	E	T	S	E	W
Y	A	M	U	K	S	I	N	O	L	A	R	T	E	K	E	D
I	S	D	E	A	R	M	E	L	A	R	T	N	E	S	P	C
S	R	E	A	E	I	S	S	E	P	I	K	F	T	A	O	N
N	S	B	V	N	C	L	Q	O	I	R	N	E	V	I	K	E
U	N	O	W	R	G	I	A	R	W	P	N	I	O	C	L	S
B	J	R	Q	T	S	U	F	N	H	I	F	A	T	V	I	N
R	B	O	G	E	N	V	I	L	C	O	H	S	I	D	B	A
I	C	M	S	U	B	R	W	E	T	K	N	E	M	N	Y	L
T	E	C	D	I	S	I	M	B	U	L	B	Z	R	U	F	I
E	N	G	A	O	P	E	Z	E	S	N	P	V	E	A	C	A
N	T	A	E	L	U	W	S	W	E	H	I	P	D	D	O	H
S	W	R	P	K	I	D	A	L	E	Y	O	L	F	N	U	N
W	E	S	N	U	B	R	I	T	E	N	I	A	P	A	N	E
R	E	I	Y	X	N	M	C	F	O	I	M	G	P	S	B	T
T	N	M	S	W	A	I	O	B	N	C	V	F	P	T	C	S
S	A	U	T	E	N	H	A	I	L	A	N	S	O	R	O	I

Painim ol dispela provins bilong yumi:

MANUS	NU AILAN
IS NU BRITEN	WES NU BRITEN
BOGENVIL	MOROBE
MILEN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
SENTRAL	WESTEN HAILANS
ISTEN HAILANS	SAUTEN HAILANS

3		6	4		2			5
				3			1	6
		9		5	7			4
9		2			6	7	5	
8	7						6	9
	6	3	9			4		8
4			5	6		3		
6	9			2				
5			7		8	6		2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

**Ansa
bilang
las wik
Sudoku**

**Ansa
bilang
las wik
Pasol**

A	I	R	N	I	U	G	I	N	I			K	A	G	O	A
P	S		S	I	A	L	E	T							R	I
L		E											A			L
E	A		K							K		N			S	I
S		I		I							O				U	N
B		P		N						I		P			T	E
A	I			J					T				I		K	S
L	T				A			A		I					E	P
U	I					K	N					K			S	N
S	R					S	E					T	E			G
	U				D				T			E		T		
	Y			N								K				
T	K		A									S	I	A		
I	E	L			P	A	I	L	O	T	I					M
	S											B	A	L	U	S
I			J	I	U	S			E	A	H	O	S	T	E	S

EMTV Television Guide

10:30 PM MAO	SUNDAY NIGHT MOVIE	3:30 PM	GO DIEGO GO	6:30 AM G	EMTV NEWS REPLAY	9:30 PM G	EMTV NEWS REPLAY	3:30 PM	GO DIEGO GO
12:00 AM G	HILLSONG....Rpt.	4:00PM	LOCKIE LEONARD	6:30 AM G	TODAY	10:30 PM G	AUSTRALIA NETWORK	4:00PM	LOCKIE LEONARD
12:30 AM G	EMTV NEWS REPLAY	4:30PM	MORTIFIED	9:00 AM	CLASSROOM BROADCAST			4:30PM	MORTIFIED
1:00 AM G	AUSTRALIA NETWORK	5:00 PM G	KITCHEN WHIZ	9:00am	Grade 7 Mathematics			5:00 PM G	TRICKY TV EP#8 (re-run)
		5:30 PM G	TOTALLY SPIES - EP#5	9:50am	Grade 7 Science			5:30 PM G	SKILLCIOUS YR.1 – EP#5
		5:57 PM G	CRIME STOPPERS	10:40am	Grade 8 Mathematics			5:57 PM G	CRIME STOPPERS
		6:00 PM G	EMTV NATIONAL NEWS	11:20am	Grade 8 Science			6:00 PM G	EMTV NATIONAL NEWS
		7:00 PM G	NRL ROUND 12	1:00pm	Grade 6 Mathematics			7:00 PM	STATE OF ORIGIN BUILD UP #1
			BRONCOS vs. WARRIORS	1:50pm	Grade 6 Science	4:57 AM G	AUSTRALIA NETWORK	7:30 PM G	STATE OF ORIGIN – GAME
		8:57 PM G	EMTV TOKSAVE	2:30pm	DEPI Program	5:00 AM G	JOYCE MEYER		1 “live & exclusive”
		9:00 PM G	COCA-COLA SPORTS SCENE	3:30 PM G	KIDS KONA	5:30 AM G	EMTV NEWS REPLAY		NS W vs. QUEENSLAND
		9:30 PM G	THE VOICE #22	3:30 PM	GO DIEGO GO	6:00 AM G	TODAY		
		11:00 PM G	EMTV NEWS REPLAY	4:00PM	LOCKIE LEONARD	09:00 AM	CLASSROOM BROADCAST		
		12:00 AM	AUSTRALIA NETWORK	4:30PM	MORTIFIED	9:00am	Grade 7 Mathematics	9:30 PM G	TOKPIKSA Ep#20 – Repeat.....
				5:00 PM G	KITCHEN WHIZ	9:50am	Grade 7 Science	10:00 PM PGR	THE MENTALIST SEASON 1 EP#
				5:30 PM G	DANI'S HOUSE EP#5 - Sleepover	10:40am	Grade 8 Mathematics	11:00 PM G	EMTV NEWS REPLAY
				6:00 PM G	EMTV NATIONAL NEWS	11:20am	Grade 8 Science	12:00 AM	AUSTRALIA NETWORK
				7:00 PM G	HAUS& HOME	1:00pm	Grade 6 Mathematics		
				8:00 PM G	BUSINESS PNG – Ep#20	1:50pm	Grade 6 Science		
				8:30 PM PGR	NIKITA S1/EP# 20/22	2:30pm	DEPI Program		
						3:30 PM G	KIDS KONA		

O! Proqram na Kilok i
ken senis oltaim...

Ol Program na Kilok i ken senis oltaim...

Raun wantaim Kanage olgeta wik



NEM: Joshua Malken
KRISMAS: 30 (Man)
ADRES: PO. Box 4132, Destiny F/Ship, Lae Morobe Provins
SAVE LAIKIM: Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

NEM: Elijah Hombo
KRISMAS: 23 (Man)
ADRES: Nisol Elementary School, PO. Box 538, Lae 411, Morobe Provins
SAVE LAIKIM: Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

NEM: Danny Henz
KRISMAS: 38 (man)
ADRES: PO. Box 4731, Lae, Morobe Provins
SAVE LAIKIM: Pilai gita, Go Lotu, Pilai soka, wokim haus na gaden.

NEM: Stanford Jackson
KRISMAS: 18 (Man)
ADRES: Komnaik Stationary Ltd, PO. Box 182, Mendi, SHP
SAVE LAIKIM: Go Lotu, Watsim TV, Pilai ragbi tas, Tok pilai na stori wantaim ol lain.

NEM: Dulcie Ben Mandi
KRISMAS: 23 (Meri)
ADRES: M&S Tsang Cash & Carry, PO. Box 19, Madang, Madang Provins
SAVE LAIKIM: Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

NEM: Mocksy Gudego
KRISMAS: 19 (Meri)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Pilai Musik, Harim musik na ritim buk.

NEM: Ivan Gudego
KRISMAS: 17 (Man)
ADRES: C/-Joshua Sono, PO. Box 77, Kiunga, Westen Provins
SAVE LAIKIM: Go Lotu, Harim musik na painim poro.

NEM: Peter Kul
KRISMAS: 22 (Man)
ADRES: St. Edward Ambang - C/- PO. Box 28, Banz, Jiwaka Provins
SAVE LAIKIM: Raitim leta, Ritim buk, Pilai gems, Tok pilai, Harim musik na watsim TV.

NEM: Junior B. Dii
KRISMAS: 31 (Man)
ADRES: College of Distance Education, PO. Box 2071, Yomba, Madang Provins
SAVE LAIKIM: Go danis, Harim musik, Watsim TV, Tok pilai, Kisim wara na go swim

NEM: Yakias James
KRISMAS: 18 (man)
ADRES: Annia Village C/- Kanabea, Catholic Mission, PO. Box 220, Kerema, Gulf Provins
SAVE LAIKIM: Ritim Niuspepa, Pilai musik, Pilai soka, volibol, basket bol, Harim Stori.

Beng! Wanpela tinpis i kam...

ANKOL Kanage em wanpela ankol bilong dinau stret long ol liklik taka boks long haus yet. Ankol Kanage i wok long mekim dispela dinau pasin bilong em i go na ol stoa kipa i bel kas kas long em pinis.

Taim ol stoa kipa i lukim olsem ankol Kanage i kam long stua bilong ol, ol i save hait o go arasait. Wanpela taim ankol Kanage i go long dinau long taka boks we em i gat step leda long en i stap. Stua kipa em i lukim Kanage long we yet na em i go hait aninit long kaunta. Ankol Kanage i kam lukim olsem nogat stoa man tasol em i save olsem stua kipa em i hait i stap. Yu save, ankol Kanage ya, em i giaman long pairapim step leda i go daun tasol isi isi tru i kamap antap gen na wetim kipa long kaunta i stap. Taim stoa kipa isi tru apim het long spaim Kanage, ankol Kanage i makim long pinga tasol na tok, "Beng!! Wanpela tinpis i kam."

Ankol Kanage em ankol Kanage. No play up.



taim famili bilong en i askim Kanage long go kaikai wantaim ol long Karanas. Taim Kanage kamap, ol i amamasim em na welkamim em i go long kaikai tebol.

Taim ol i sindaun na kaikai i stap, wanpela dok bilong famili i wok long lukluk strong long Kanage i kaikai i stap. Kanage tait long kaikai na em tu lukluk strong long dok i stap.

Na Kanage i kirap na askim Mr Johnson long wai na ol dok bilong en i wok long lukluk strong long en i stap.

Mr Johnson i bekim long Kanage olsem, "Noken wari long ol. Ol jeles long wanem yu kaikai long plet bilong ol."

BULOLO MOROBE

Samting ya banana ...

Kanage go painim buai long Wewak maket i stap na harim ol manmeri i singaut nabaut na tok olsem tupela

Wantok man Wewak.

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
jwilson@wantok.com.pg

Jeles long plet bilong em ...

Wanpela nait Mr Johnson wan-

UPNG POM SITI

Ol poroman i tok pilai tumas long mi bikos mi patpela tumas

Dia Laipain,

Mi traim planti rot long traim lus weit o lusim skin bikos mi patpela tasol em no wok. Mi wokim planti eksasais, kisim marasin long kemis, yusim ol kanaka marasin, no kaikaim ol gris kaikai, wok nait, smuk planti na daunim mak bilong wara mi save dring long en.

Ol poroman sumatin i tok pilai tumas longb mi na mi pilim sori. I gat narapela rot o ol narapela marasin i ken helpim mi long lusim skin na stap bun?

Desperate to Loose Weight

Dia Pren

Mipela i luksave olsem yu no amamas na yu no pilim gut, moa yet, taim ol narapela man meri i tok pilai long yu olsem yu patpela. Yu mas save pinis olsem sampela lain i save hariap long kamap patpela na sampela em bai nogat, maski ol i kisim planti kaikai. i luk olsem yu stap long nam-bawan grup na i min olsem yu mas mekim samting long lusim skin, o yu noken putim moa skin.

Yu tokim mipela long planti ol samting yu save wokim long lusim skin. Dispela em ol gutpela tingting, tasol i gat sampela samting mipela i no wanbel wantaim.

Pastaim, yu tok yu stopim yu yet long dringim planti wara. Mipela i luksave olsem dispela i no gutpela samting long yu mekim long en. Yu no nap go patpela taim yu dringim planti



wara. Bodi bilong yu i save yusim planti wara bikos em i nidim em na dispela em i no yusim em save rausim olsem pispis. Ol dokta i tok planti manmeri i no wok long dringim inap wara insait long wanwan de. Wanpela man i sapos long dringim 8-pela glas wara long wanpela de.

Long keis bilong yu, i gutpela long yu i dringim moa wara bikos dispela bai helpim yu long klinim bodi na ol pipia samting yu no nidim long en. Olsem i gutpela yu bihainim edvais bilong dokta na dringim 8-pela kap wara olgeta de.

Narapeal samting yu tok yu mekim em yu smok planti i stap. Sapos yu save smokim moa long 20 sigaret long wanpela de, yu gat bikpela sans long kisim lang kensa. Tasol yu ken kisim tu sapos yu no smokim planti sigaret. Mipela i bilip olsem yu bai lusim smok olgeta.

Yu eksasais planti na dispela em i gutpela sapos yu wokim rait eksasais. Mipela i askim yu long go long wanpela ples bilong eksasais na toktok wantaim bos long dispela ples long wanem kain eksasais i gutpela long yu.

Yu tok yu save kisim ol tablet marasin, tasol yu no tok wanem kain stret. Yu askim mipela tu long tokim yu long wanem kain marasin yu ken kisim, tasol mipela i no ol rait lain long tokim yu. Yu mas go lukim dokta bikos em bai skelim na glasim yu gut na givim yu ol rait edvais long mekim wanem samting, na long kisim ol rait marasin. Em bai wokim ol tes long lukim as long yu go patpela na rot we yu ken bihainim ol progrem long lusim skin.

Pren, i luk olsem yu traim planti samting long traim lusim skin, tasol bodi bilong yu i no senis yet. Sapos yu wok long mekim eksasais na kaikaim ol rait kaikai, noken wari long ol toktok ol narapela manmeri i wokim. Yu traim hat long mekim stretpela samting long lusim skin. Ating Bikman i mekim yu olsem o, sapos yu man bilong laikim stret kaikai, tasol go het long ol progrem na ol samting yu wokim long lusim skin.

Pren bilong yu Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

BSP Benk bosman Clyne i lusim wok long nupela man, Fleming

Stanley Nondol i raitim

GRO bilong BSP Benk long taim bilong Sif Eksektiv Opisa lan Clyne i nau stap long han bilong nupela man, Robin Fleming, long surukim groa go antap moa yet long kisim bikipela luksave long benking na bisnis komyuniti

Las wik Fraide, em bin laspela de bilong lan Clyne long wok bilong em olsem namba wan bos bilong BSP Benk long kantri. Na long laspela de Mista Clyne lon-sim wanpela nupela rot bilong SMS benking-ol i kloim Wantok Moni na bihain long en tokim ol midia olsem em laspela de bilong wok na tok moa olsem BSP Benk i groa na mekim laip bilong ol kastoma isi tru. Dispela em i no giaman. Planti bikipela senis tru i wok long kamap long taim bilong Mista Clyne long halivim ol pipel bilong Papua Niugini long rurel ples na tu long taun na siti na ol skul pikinini tu.

Treasari Minista Don Polye taim em kam bek long Wol Benk na IMF samit long Washington DC long Amerika las mun bin tok tenkyu long Mista Clyne. Mista Polye tok Wol Benk na IMF bin i gat luksave long BSP we wok long groa na sapatim ekonomi bilong kantri. Em tok tenkyu long Mista Clyne long gutpela ripot em kisim long

Amerika.

Mista Clyne i gat bikipela save long benk na wantaim pastaim save bilong em long wok long PNG taim em wok wantaim Nambawan Fainens Limited na Indoniu Fainens long 1980 go long 1986, em i senisim planti samting na ol pipel long ples nau kisim dispela sevis we kamap aninit long lidasip bilong em long 3pela yia. BSP Bod makim Mista Clyne olsem CEO long Oktoba 17, 2008.

Long taim na lidasip bilong Mista Clyne, SMS benking i kamap na mekim isi tru long ol pipel salim na kisim mani na sampela trenseksen ol i mekim. Planti ATM BSP putim long planti hap bilong kantri, BSP benk surukim brens I go long distrik na go long rurel ples na opis akaun bilong ol sumatin wantaim nogat fi.

Nau BSP apim mak bilong SMS Benking na ol kastoma ken salim mani go long husat nogat akaun long BSP na ol ken kisim long ATM na sop-ing long EFTPOS tu yusim mobail pon.

Na long wankain taim, BSP bod i makim Roibn Fleming husat bin stap namba tu bilong Mista Clyne long 4-pela yia long kisim ples olsem nupela Sif Eksektiv Opisa.

Siaman bilong BSP Benk Costas Constantinou, i tok Mista Fleming bin wok poroman gut tru wantaim Mista



PASTAIM CEO: Ian Clyne na

Clyne na halivim gut tru benk long groa moa long dispela taim bilong bikipela senis we benk i groa long kantri na tu long Pasifik.

Siaman Constantinou tok aninit long lidasip bilong Fleming olsem namba tu



NUPELA CEO: Robin Fleming

long 4-pela yia, planti senis na sevis I kamap long benk olsem, surukim sevis go long ol brens na tu long EFTPOS na ATM na On-lain Benki .

Mista Constantinou tok moa olsem Mista Fleming i gat moa long 30-pela yia

save long BSP Benk na gat bikipela save. Mista Constantinou tok Mista Fleming em strongpla man na stail wok we Mista Clyne i mekim i putim bikipela mak long nupela lida ken lukim na surukim wok antap long bikipela

senis we nau wok long kamap.

Mista Fleming gat bikipela savelong Risk Menesmer na Itu i gat nem long bisnis komyuniti.

Mista Constantinou tok bikipela samting em long wanem developmen , na wok na senis we kamap long taim bilong Mista Clyne, em Benk mas strongim yet. Em tok nau BSP gat K13 bilian long balens sit na toke m gat bikipela bilip BSP Benk bai gro moa yet nainit long nupela CEO, Mista Fleming.

Mista Fleming tok Benk bai mekim bikipela reveniu long ol netwok bilong brens, ATMS, Onlian na Mobail Benking taim benk I wok long givim sevis long ol corporate na komesel kastoma wantaim smol tu midium bisnis long kantri.

Mista Fleming tok BSP kastoma bes i wok long groa insait long kantri na tu long Fiji, Solomon Hailan, na tok bikipela amamas long Mista Clyne long gutpela wok bilong em long las 5-pela yia.



Wantok

Advertise your Business right here!!

We deliver your message right to the remote areas of PNG where others don't go.

Wantok Niuspepa is your medium to communicate your business now.

**Niuspepa
Bilong Yumi Ol PNG
Stret!!**



Call the Advertising team on,

Ph: 3252500 Fax: 3252579 or

Email: wantok.com.pg or Website: www.Wantokniuspepa.com



Popo Pawa!

DISPELA yangpela mama bilong ples Yalu, ausait long Lae siti, Morobe provins, i soim stret strong bilong yumi PNG long groim ol naispela prut na gaden kaikai. Em i wok sindaun salim hip popo bilong en long Lae maket, taim Wantok Niuspepa i painim em.

Poto: Sape Metta



GLASIM RAMU NICO PROJEK



Wanpela Ramu NiCo, Wanpela Komyuniti

Ramu NiCo bai makim mun Jun olsem Envairomen Sefti Mun

WOL ENVAIROMEN Day em wanpela de we planti kantri long wol i save luksve long en long namba 5 de bilong mun Jun.

Dispela de em bikipela wol oge-naisen Yunaited Nesen (UN) makim long ol pipel long wol luksave na tu mekim moa aweanes long lukautim na wasgut long bus, graun, wara na solwara bilong yumi long dispela wol.

Ramu NiCo Menesmen (MCC) Limited, bikipela divelopa bilong nikel-kobalt projek long Madang provins i luksave long dispela bikipela de na givim moa strong long wok operesen bilong en, na i makim olsem mun Jun em "Envairomen Sefti Mun".

Long opim Envairomen Sefti Mun, Ramu NiCo i stat wantaim wanpela bikipela miting we i lukim ol menesmen bung long video konfrens, we wanem ol bikipela toktok i kamap long Madang, Kurumbukari na Basamuk i kamap long wan kain taim na i stap long video na ol lain i plenim wanem ol program o aweanes bilong Envairomen Sefti Mun.

Siaman bilong Ramu NiCo Menesmen (MCC), Mista Zhao Shimin i mekim strongpela toktok olsem Ramu NiCo insait long mun Jun long dispela yia bai luksave long ol wok bilong sefti we i go wantaim envairomen long wok bilong en.

Mista Zhao i askim olgeta ol lain wokman meri na ol menesmen tim bilong Ramu NiCo long KBK, Basamuk, Madang na tu Beijing, China long luksave long envairomen na yusim ol het-tok bilong makim dispela yia wantaim gutpela tingting na tu mekim samting stret we i bihainim dispela het-tok.

Long dispela yia bikipela het-toktok bilong Wol Envairomen De em "Think, Eat, Save" Dispela i min olsem "Yusim Tingting na Save, Kaikai Gut na Sevim Kaikai" na lukautim gut bus, graun, wara na solwara (envairomen) bilong yumi.

Insait long video konferens ol wan wan ol lain bilong ol sait olsem KBK, Basamuk na Madang i tokaut long wanem ol program ol i redim long mekim insait long dispela Wol Envairomen mun.

Long Basamuk long namba wan wik stat long Jun 3 i go long 8 bai lukim ol wokman meri long rifaineri i stap insait long posta kompetisen., envairomen



Ramu NiCo wokman meri klinim envairomen long Madang.



Vidio konfrens long Madang i harim toktok Siaman bilong Ramu NiCo, Zhao Shimin i mekim.

aweanes na tu weist menesmen aweanes we ol wokman bilong HSE bai soim ol arapela wok lain.

Narapela bikipela samting tu we bai kamap insait long Envairomen mun em long intenol aweanes bilong Ramu NiCo, we bai lukim ol wokman meri bilong olgeta sait long KBK, Basamuk na Madang Bes i lukluk moa long sait long aweanes bilong Envairomental Plen (EP) na OEMP (Operesen Envairomen Menesmen Plen).

Long Basamuk rifaineri bai lukim moa aweanes i kama long sait long OEMP trening na senitesen we ol nesenel wokman bilong PNG bai stap insait long en. Wankain trening na aweanes tu

long ol lain wok lain bilong China.

Long wik namba 3 insait long Envairomen mun, ol wok lain bilong HSE long Basamuk bai mekim bikipela envairomen aweanes i go long ol viles na hauslain klostu long Basamuk. Sampela ol samting we bai ol i mekim aweanes long en long ol lokal pipel long viles na hauslain em long das na tu win we i kamaut.

Long namba 4 wik bai lukim het-tok bilong Envairomen Wik i pas long sait long 'Kaikai Gut na Sevim Kaikai'. Dispela bai lukim ol wok lain bilong HSE i putim aut ol posta long sait long gutpela helti kaikai ol manmeri i ken kaikai na



Ol wokman meri bilong Ramu NiCo long Madang i harim toktok bilong HSE long makim Wol Envairomen De na mun long kampani.



Ramu NiCo wokman givim trening long kamapim gutpela kaikai long gaden.

kisim strong na stap helti na mekim gut wok. Dispela aweanes bai lukim Ramu NiCo i wok bung wantaim NCS, kampani we i save kukim kaikai na fidim ol wokmanmeri i putim sampela posta long sait long kisim gutpela kaikai. Long dispela taim tu bai lukim ol wok lain bilong HSE i mekim wok sekim o inspeksen i go long mes o ples-kaikai bilong ol wokman meri long Basamuk, we NCS nau i save menesim.

Ramu NiCo bai mekim tu ol envairomen aweanes i go long ol skul long ol projek impekt eria bilong en. Ol lain ofisa bilong HSE Dipatmen long Madang bai mekim raun i go long skul long Kostal

Paipain eria long mekim aweanes long Bogadjim praimer skul na long Inlen Paipain eria bai lukim ol i go mekim aweanes long Naru Hope praimer skul.

Program bilong Wol Envairomen De long Madang Bes tu bai lukim ol sumatin bilong Madang Tisa Koles na Divain Wod Yunivesiti (DWU) na Tusbab Sekederi skul i mekim lukluk raun i go long Ramu NiCo ofis (glass haus) long harim ol toktok na aweanes bilong Wol Envairomen De. Ol Ramu NiCo ofisa bilong HSE Dipatmen bai mekim sampela presentesen long givim aweanes long ol lain sumatin husat i go long hap.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyuniti'

Eksonmobil lonsim nupela kuk buk long kamapim mani bilong helpim wimens klab

Rebecca Arnold i raitim

EksonMobil kampani long Papua Niugini i kamapim pinis wanpela kuk buk i gat 130 pes na i gat 95 resipi o stail kuk i kam long 15-pela kantri, long helpim wok bilong ol Bisnis Profesenel Wimen Klab long Pot Mosbi, (BPW). Taitel bilong kuk buk em, *Yumi Kukim Kaikai*, na em i gat kainkain stail kaikai bilong kukim i kam long ol komyuniti bilong EksonMobil long Papua Niugini. Dispela buk bai kosim K50 na i gat Papua Niugini stail na stail bilong arapela kantri tu. Mani i kam bai helpim wok bilong BPW.

Dispela buk i soim kainkain miks kalsa na haus kuk. Sapos yu laik baim buk bai yu salim email i go long bpwportmoresby@gmail.com.

PNG LNG Prosek Eksektiv, Decie Autin, i tok, "Mani i kamap long taim mipela salim dispela buk, bai i go long Bisnis Profesenel Wimen Klab long ol bai helpim moa ol yangpela meri wantaim ol skolasip program na ol arapela gutpela wok."

"Mipela i amamas long dispela kuk buk, we i soim kainkain kalsa insait long ol

komyuniti bilong EksonMobil long Papua Niugini," Mis Austin i tok.

Business and Professional Women's Club President, Susil Nelson said the funds will support a range of women's initiatives. Bisnis Profesenel Wimen Klab Presiden, Mis Susil Nelson i tok ol mani bilong klab bai helpim kainkain wok bilong sapotim ol meri. "BPW save helpim wantaim skolasip i go long ol yangpela meri husat i laik skul moa long edukesen bilong ol. Ol mani i kam long salim dispela buk bai i helpim ol tarangu meri na yangpela gel long go insait long teserei institusen na kolis. BPW i tok tenkyu long EksonMobil long sapot bilong ol," Mis Nelson son.

Ol memba bilong Esso Hailens Limited, PNG LNG projek tim na Mobil Oil Niugini na family na fren i bin stap long lons bilong dispela kuk buk. BPW i bin kamap long yia 1982 na em i wanpela lokal NGO. Em i save helpim ol yangpela meri long edukesen bilong ol long wan wan yia long go het wantaim edukesen bilong ol taim ol i sot long mani.



POM Bisnis Profesenel Wimen memba, lukim buk wantaim wokmeri bilong EksonMobil, Brenda Auhava na Regen Alexia.

Sif kuk i traim wanpela resipi long buk. ►




Dolly

Em bai mekim yu laikim sampela moa!

PROUDLY **PNG MADE**

RD TUNA CANNERS LTD.

Gavman sapot i bikpela samting



LUK olsem tu o tripela wik nau yumi toktok long ol spot bilong pait olsem nan au yumi lusim liklik pastaim.

Tete, bai mi no inap soim wanpela pilai long yu tasol mi bai givim tingting bilong mi long sapot bilong gavman long spots dispela yia i go inap long 2015 Pasifik Gems long hia.

2015 Pasifik Gems

Bikpela samting we i stap long tingting bilong yumi long spots nau em Pasifik Gems we bai kamap long Mosbi siti long 2015.

Dispela bai namba tri taim bilong dispela bikpela gem i kam long kantri bilong yumi.

Namba wan taim i bin long 1969, bihain long 1991 na nau bai yumi lukim gen long 2015.

Namel long dispela tupela we i kamap pinis, planti manmeri insait long Papua Niugini na Pasifik rijen tu i tok yet olsem dispela gem long 1991 em i nambawan yet long olgeta we i kamap long ol arapela kantri.

Long dispela taim tu i bin lukim PNG i winim kam namba wan ples long winim resis.

Tasol wanpela samting we i save helpim long kamapim kain ol bikpela gem long olgeta kantri, em sapot bilong gavman.

Long taim PNG winim tok orait long holim 2015 Pasifik Gems, ol ogenaia i wok hat tru long winim sapot bilong ol manmeri, ol sponza, stekholda na tu gavman long lukim olsem dispela i kamap gut.

Insait long dispela taim, kantri bilong yumi lusim tupela yia i go nating na i nogat wanpela wok redi kamap.

Tasol nau, i gat gutpela luksave bilong gavman na planti wok i kamap nau long redim ples bilong gem long 2015.

Long Trinde dispela wik long Yunivesiti bilong PNG long Mosbi, Praim Minista Peter O'Neill i bin kamap na opim wok bilong mekim ples bilong ol tim bilong wanwan kantri long stap long en long taim bilong gem.

Insait long dispela bung, em i tok ol ogenaia bilong gem i noken wari bilong wanem ol bai kisim olgeta sapot bilong gavman bilong em.


Em i toktok strong tu long ol manmeri insait long gavman na ol arapela bikpela posisen long noken i gat wanwan belhevi na laik long ol yet, tasol i mas wokbung wantaim ol arapela manmeri long lukim ol wok i kamap gut long kisim kantri go fowet.

"Yupela inap long sindaun long baksait bilong yupela na kirap na mekim wok nau!" Praim Minista O'Neill i tok.

Em i tok amamas tu long lukim dispela kain wok i kirap bilong wanem em i soim olsem kantri wok long redi long kisim ol manmeri bilong ol arapela kantri kam long lukim ples bilong yumi.

I gutpela long lukim na harim Praim Minista yet soim sapot long ol wok bilong dispela bikpela gem bilong yumi tasol wanwan manmeri husat i wok insait long gavman i noken harim na sindaun tasol, ol i mas kirap na mekim wok tru.

Yumi ken toktok tasol nogat wanpela gutpela samting bai kamap sapos yumi ol manmeri husat i go pas long kain wok i



TOKTOK: Praim Minista O'Neill i tok gavman bilong em bai givim olgeta sapot long spots. POTO: Andrew Molen.

mekim wanpela samting.

Sapos yu mekim wok, ol arapela manmeri bai bihainim yu tasol na sapos yu tok tok nating na i no mekim wanpela samting, ol tu bai bihainim yu tasol.

2013 Ragbi Lig Wol Kap

Narapela bikpela samting we i mas kisim sapot bilong gavman tu em ragbi lig wol kap we bai kamap klostu long pinis bilong dispela yia.

2015 Pasifik gems bai kamap bihain long tupela yia tasol wol kap i stap pinis long dua bilong yumi na sampela kain wok i mas kamap long redim nambawan Kumul tim bilong yumi.

Plantil ol nius ripot i soim gutpela wok we PNGRFL i mekim long kisim ol biknem man olsem Mal Meninga i kam long helpim tim bilong yumi na tu wok bilong skelim ol gutpela pilaia bilong kantri.

Long wankain taim i gutpela long harim tu spots minista i helpim long stretim ol hevi insait long PNGRFL we i bin bagarapim gem bilong yumi long las tupela yia.

Ol sponza i save helpim gut ol ragbi tim bilong yumi tasol gavman tu i mas givim

bikpela helpim bilong wanem dispela i nesenel spot bilong yumi we olgeta manmeri save bihainim,.

Wanpela rot bilong gavman long helpim, em long kamapim gutpela ragbi lig stedium we ol intanesenel gem i ken kamap long en tu.

Long aste mi lukim long niuspepa olsem PNG bai askim long holim sampela gem bilong 2017 wol kap long hia, dispela bai no inap kamap sapos yumi nogat gutpela intanesenel pilai graun ong hia.

Em i wanpela bikpela samting.

Gavman i noken tingting long givim mani tasol na lukluk long PNGRFL na ol sponza yet i painim rot bilong ol long yusim.

Em yet i mas givim han long sampela ol wok i kamap insait long trening na pilai bilong nesenel tim bilong yumi.

Mi laik tok klia olsem, sapot i no min mani tasol, em i ken program, trening, yunifom, helpim bilong haus sik o marasin taim ol pilaia kisim bagarap o sik, kar bilong tim, ples bilong silip na go pilai, i gat planti samting we dispela i karamapim.

Tenkyu long gavman

Gavman em i bikpela samting long olgeta kantri, sapos gavman i no stap gut bai em i nogat strong long sapotim ol pipol bilong en.

Gavman bilong yumi stap gut moa long tupela yia nau na yumi wok long harim na lukim wanwan liklik samting i kamap gut insait long ol spots bilong yumi.

Em i tru olsem i no olgeta manmeri save pilai tasol olgeta manmeri save laik long lukim o harim wanpela gem.

Mi ken lukim olsem gavman bilong yumi gat planti tingting long ol bikpela spots na rapela bung i kamap hia long PNG tasol wanpela samting we bai lukim ol dispela em sapos ol manmeri lustingting long ol yet na mekim wok bilong ol tru olsem ol pei ol i save kisim olgeta foitnait, na narapela em sapos yumi gat ol samting nap les we dispela kain ol bung i ken kamap long en.

Antap long dispela, ating em i gutpela long yumi tok tenkyu long gavman long wanem ol samting em i helpim ol spots bilong yumi long en pinis na yumi ken wet na bilip olsem dispela gavman na planti ol arapela bihain i ken mekim wankain.

Ol Spot Eksen poto long wiken...



Ol Poto Nicky Bernard.

RAGBI O BOKSING:
Ol Lae Snax Tigers
na Gulf Isapea i
traim strong long
pait long Digicel
Kap resis long Pot
Mosbi long wiken i
go pinis. Snax
Tigers i bin go pas
long skoa taim rif i
kolim aut pilai.



Planti ol sapota i no wanbel long sampela
kol bilong dispela refri long Sande taim
Snax Tigers i pilai wantaim Isapea.



Hekari straiika i
abrusim pilai
bilong Pom FC
long gren fainol
pilai bilong long
Pot Mosbi,
Hekari win 3-0.



Sempion pait man bilong
Finland Jarkko Jussila, i
traim yangpela top pait
man bilong yumi PNG
Rickson Yamo. Maski
Yamo lus tasol em pait
inap 12-pela raun i pinis.

- Weekend Sports Draws -

Digicel Cup Round 9

Home	Away	Venue
------	------	-------

SUNDAY, 9 JUNE

Enga Mioks	vs.	Agmark Gurias	Wabag
Wamp Nga Eagles	vs.	Bintangor Lahanis	Mt Hagen
Snax Tigers	vs.	Hela Wigmen	Lae
SNS Vipers	vs.	TNA Lions	Port Moresby
Mendi Muruks	vs.	Gulf Isapea	Mendi

RESULTS

Gulf Isapea 16 Lae
Tigers 26, Mendi
Muruks 16 Goroka
Lahanis 16, Hagen
Eagles 12 POM
Vipers 14, Rabaul
Gurias 34 Simbu
Lions 8, Enga
Mioks 26 Hela
Wigmen 4

LADDER

	P	W	D	L	F	A	Pts
Tigers	8	6	1	1	178	106	13
Gurias	8	6	0	2	238	121	12
Lahanis	8	5	2	1	141	126	12
Mioks	8	5	0	3	214	87	10
Vipers	8	5	0	3	170	123	10
Isapea	8	3	0	5	134	168	6
Wigmen	8	2	1	5	110	134	5
Eagles	8	2	1	5	125	190	5
Lions	8	2	0	6	101	198	4
Muruks	8	0	3	5	75	171	3



Tim Hekari i
amamas bihain
lon win bilong ol.
Gavana bilong
Oro Juffa i stap
long wantaim ol
taim ol amamas.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim
long Wantok Niuspepa opis long Able Building Complex long Central Waigani, NCD.

Eksen poto long Stet ov Orijin Gem 1



SPOTS DR0 RAUN 13

Fraide: Jun 7, 2013



Parramatta Stadium
Eels V^s Roosters



Sarare: Jun 8, 2013



Hunters Stadium
Knights V^s Dragons



Townsville Stadium
Cowboys V^s Bulldogs



Sande: Jun 9, 2013



Mt Smart Stadium
Warriors V^s S/Eagles



Centrebet Stadium
Panthers V^s W/Tigers



AAMI Park
Storm V^s Sharks



Mande: Jun 10, 2013



Canberra Stadium
Raiders V^s Broncos



Bye: Rabbitohs, Titans

Raun 12 Poin Leda

Pos	Tim	W	B	L	D	Pts
1.	Rabbitohs	10		2		20
2.	Storm	8	1	2	1	19
3.	Roosters	8	1	3	0	18
4.	Sea Eagles	7	1	3	1	17
5.	Titans	7	0	5		14
6.	Sharks	6	1	5		14
7.	Knights	6	0	6		12
8.	Panthers	5	1	6		12
9.	Bulldogs	6	0	6		12
10.	Raiders	5	1	6		12
11.	Broncos	5	0	7		10
12.	Cowboys	4	0	8		8
13.	Dragons	4	0	8		8
14.	Warriors	4	0	8		8
15.	Eels	3	1	8		8
16.	Tigers	3	1	8		8



FM100
PNC's Information & Music Leader

FRIDAY 7 JUNE



8:00PM

ANZ STADIUM, SYDNEY

SATURDAY 8 JUNE



7.30PM

1300 SMILES STADIUM

SUNDAY 9 JUNE



2.00PM

MT SMART STADIUM

LIVE GAME CALLS

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NUKU 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	POPONDETTA 100.5	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1		TARI 100.5	WAW/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8		TELEFOMIN 100.3	WEWAK 100.8

Tigers go pas long leda

Tasol 2-pela poin aut

Nicky Bernard i raitim

LAE Snax Tigers i go pas nau long leda bilong Digicel Kap Resis, bihain tasol long ol winim Isapea long Pot Mosbi long wiken go pinis.

Rabaul Gurias na Goroka Lahanis i kam bihain long ol long wanpela poin tasol, na bihain long tupela tim ya, em Mioks na Vipers.

Dispela pilai bilong Tigers na Isapea i no pinis gut, 5-pela minit bipo long pilai pinis, refri i stopim pilai long wanem tupela tim bin pait long pilai graun.

Namba wan paitim bin kam long 8-pela minit bipo long pilai pinis taim pilaia bilong

Tigers i hai takol long wanpela pilaia bilong Isapea. Dispela mekim ol pilai bilong Isapea i no wanbel na putim han long dispela pilaia bilong Tigers, na pait i kirap.

Tigers bin go pas long skoa dispela taim pait i kamap, refri givim penolti go long Isapea na Isapea gat sans long skoa tasol dispela i no kamap long wanem pilaia bilong Isapea i dropim bai.

Winga bilong Tigers i kisim bal na laik brukim banis bilong Isapea, tasol ol tripela pilaia bilong Isapea i wetim em na givim spia takol na dispela i kamapim namba tu pait long wanem ol pilaia bilong Tigers i no wanbel long dispela takol.

Dispela takol tu refri i no

lukim, na dispela mekim ol sapota bilong tupela tim wantaim i bel hevi long refri na singaut long em olsem em no bin refim pilai gut olsem na dispela tupela tim wantaim i pilai wantaim bel hevi.

Refri bilong Rabaul i bin refim dispela pilai long Mosbi na dispela pait kamap em salim tupela pilai husat i statim namba tu pait i go aut long pilai graun na bihain em stopim pilai long wanem ol sapota brukim botol long pilai graun na i no gutpela long pilai i go het long 5-pela minit tasol.

Wantok Niuspepa i painim aut olsem 11-pela pilaia bilong bilong tupela tim wantaim ol saspenim ol, Tigers em 6-pela pilai man na Isapea em 5-pela

pilai man bilong ol.

Sampela bilong ol pilai i kisim 12-pela wik bai ol i no inap pilai, sampela kisim 8-pela wik na sampela kisim 4-pela wik. Dispela ol lain kisim 12-pela wik bai lukim sapos tim bilong ol go insait long fainol bai ol gat sans long pilai.

Papua Niugini Nesenel Ragbi Lig tu i askim dispela tupela tim wantaim ol Frensa bilong ol long baim K20,000 fainol long kamapim dispela birua long pilai graun.

Dispela hevi long pilai graun na ref i pinis pilai i mekim Tigers i lusim dispela 2-pela poin bilong ol na mekim kam daun ken long namba 2 long poin leda bilong Digicel Kap Resis.

Hekari winim taitol namba 8 taim

Nicky Bernard i raitim

HEKARI FC em mekim rekot long winim Nesenel Soka Lig resis long namba 8 taim, taim ol winim POM FC long NSL gren fainol long wiken i go pinis.

Hekari nau em namba wan klab insait long Papua Niugini

long winim dispela taitol long-pela taim stret.

Pom FC em nupela tim long NSL kompetisen, tasol ol bin mekim gut nem na pilai bilong ol tu kamapim strong long Nesenel Soka Lig resis long dispela yia.

Pom FC i gat planti long ol yangpela mangi husat papa

bilong ol bin gat nem long Papua Niugini long soka resis.

Planti bilong ol tu i makim Papua Niugini long anda 20 resis long ovasis kantri na dispela i mekim Pom FC em wanpela strongpela tim insait long NSL resis.

Maski ol go daun long

Hekari 3-0 dispela i no daunim tingting bilong ol long strongim tim bilong ol gen long yia i kam.

Hekari nau bai kisim nem bilong yumi gen long O-Lig resis long dispela yia na nara-pela yia i kam na traim long winim olgeta pilai bilong ol long O-Lig.

Kriket PNG luksave long Clyne

KRIKET PNG i luksave long bipo CEO bilong BSP Ian Clyne long helpim kriket go antap long narapela nevel insait long Papua Niugini.

Mista Clyne wantaim BSP i kamapim skul kriket insait long tripela yia we i pulim

planti pikinini long olgeta hap insait long kantri long save long dispela pilai.

Dispela i mekim kriket long PNG go antap, na tu sapotim ol tim PNG long go pilai long ovasis we planti bilong ol yangpela i kisim

nem.

Mista Clyne tu i mekim sampela spot insait long kantri i go antap olsem, AFL PNG, basketbol na nau em kisim BSP olsem bikipela sponsa bilong Saut Pasifik Gem we bai kamap long

2015 long Papua Niugini.

Kriket PNG i luksave long em long helpim bilong em na BSP na givim presen long em long tok tenkyu long mekim kriket pilai gat luksave bilong em long PNG.



Namba wan spots straksa bilong ples

OLGETA samting mas kirap long ples level. Mi bilip dispela em i wanpela long ol visin bilong gavman we botom-ap plening, i mas stap ples klia.

Wankain samting i stap long ol spots we developmen i mas kirap long ples level yet. Askim nau em wanem kain developmen i mas kamap long ples level?

Em i samting nating long lukluk long wanem kain supa developmen long ples level. Sanapim ol spots fasiliti tu em i westim nating mani na bai no inap long lukautim gut sindaun bilong wanpela long ples level.

Na bai yumi mas lukluk long wanem tru? Trening bilong ol manmeri i mas namba wan samting gavman i mas lukluk long en. Dispela ol lain pipel, taim ol i kisim trening, bai karim wok bilong menesim gut spots long ples level. Ol bai kisim moa save na trening o kisim inap trening bai ol i ken lukautim ron bilong ol spots long ples level.

Taim ol i kisim trening pinis, namba wan samting ol i mas mekim, em long sanapim wanpela administresen straksa long bihainim, na karimaut ol eksen long halivim o inapim ol astingting na wok bilong ol. I mas i gat klia lukave long samting ol i mas mekim, na wok bilong ol long inapim ol bikipela astingting bilong ol.

Gutpela straksa i mas i gat sampela ol samting olsem wanpela konstitusen long stiaim straksa ol bai sanapim. Konstitusen o mama loa bai givim ol pawa long karimaut sampela ol wok bilong inapim ol astingting bilong ol.

Aninit long dispela straksa, bai i gat wanwan ol wok we i mas kamap.

Dispela grup ol manmeri bai inapim ol dispela wok o ektiviti bilong go het na ron gut. Ol dispela wok em; sanapim ol spots klab, asosiesen, kirapim na lukautim ol kompetisen na spots tonamen. Ol spots klab i mas givim han wantaim ol komyuniti wok.

Ol kain wok olsem strongim loa na oda, na karimaut awenes long ol bikipela komyuniti hevi i bungim ol pipel long ples. Mekim wok wantaim ol skul, long halivim ol tisa long tisim ol pisikal edukesen skul na halivim long wok kosa bilong ol sumatin bihain long skul na ogenaism ol skul spots kanivel.

Spot i mas i gat luksave olsem wanpela samting bilong halivim long bildim wanpela mobeta komyuniti.

Ol dispela wok i mas karamapim sampela ol wok i mas stap bilong lukim olsem spot i no wanpela kain wok tasol we i save kamap long ol pilai graun o fil. Straksa i mas inap long givim stia long ol long kamap wanpela gutpela rot bilong developmen insait long komyuniti.

Long sait bilong ol spots pilai graun na teknikal developmen, straksa i mas inap long halivim ol long strongim ol spots pilai graun long ples. Planti ples long kantri i gat ol spots pilai ples i stap pinis, na straksa bai halivim ol long strongim wanem samting i stap pinis.

Ol pilaia na opisal tu i mas kisim apgredim bai i gat ol teknikal sait we i ken strongim pafomens o pilai mak bilong ol. Ol straksa i mas inap long pin long we ol bai kisim halivim.

Bihain long tripela ten faiv yia independens, olgeta ples long kantri i mas i gat wanpela kain tingting long gat dispela ol spots pilai ples. Tasol, sapos ol ples i nogat dispela samting, em i no stret. Husat bai karim sut tok long i nogat gutpela ol spots straksa long ples?





TUNA IN OIL

Moa oil na meat insait

Gem wan bilong Blues 14-6



INSAIT:

Ol eksen poto
long stet ov orijin
gem 1: pes 26

BLUES go pas long namba wan pilai bilong Stet ov Orijin long hom graun bilong long Sydney. Insait long 2-pela min long pilai, faiv et bilong blus Maloney i kikim wanpela bal go antap na ol Maroons i nokim dispela bal, na dispela givim sans long ol Blues long putim namba wan trai I kam long Jarryd Hayne. Kik bilong nupela faiv et Maloney go insait na mekim skoa 6-0.

Blue kisim wanpela penolti long mak bilong Maroons na Maloney kikim go insait long mekim skoa go 8-0 long 15 minit long namba wan hap.

Maroons i kam bek tasol ol painim hat long brukim banis bilong NSW planti bal bilong ol i no kamapim trai.

Klostu long namba wan hap pinis long 37 minit Blues kikim wanpela bal gen i go daun long mak bilong QLD we i lukim ol Maroons i no ketsim dispela bal na i go bek long han bilong spet man bilong ol Blue Michael Jennings we em brukim banis bilong Maroons na skoa. Kik bilong Maloney go insait na

meki skoa go 14-0 long hap taim.

Maroons kam bek long namba tu hap na mekim ol-geta samting long bring pilai natingting bilong kam bek.

Long 47 minit long namba tu hap kepten na namba 9 ni-long Maroons Cameron Smith i mekim wanpela gutpela na strongpela ron go daun long trai lain bilong Blue na putim trai, tasol ref i tok nogat trai long wanem em muv tupela taim long putim dispela trai.

Dispela i mekim ol Kwinslend i pilai strong moa yet na long 61 minit Maroons i brukim banis bilong Blues we i lukim Greg Inglis i pasim wanpela gutpela bal i go long Darius Boyd long skoa long kona bilong ol Blues, kik bilong kepten Cameron Smith go insait long mekim skoa 6-14.

Blues i strongim banis bilong ol inap pilai pinis, maski ol Maroons i mekim ol set pilai bilong ol long laspela minit. Blues 14 na Maroons 6, narapela pilai bai go antap long Brisbane QLD.

Johnston's Pharmacies Ltd

Baby Products



P.O. Box 1066 Boroko
Phone: 325 3185, Fax: 325 0190
Email: sales@johnstons.com.pg

Bouncing net



Heinz baby food



Sensi baby nappies